

摘藻堂四庫全書薈要

史部

欽定四庫全書薈要

史部  
舊唐書卷四十五

詳校官內閣侍讀臣孫球



欽定四庫全書薈要卷四千九百六十一

史部

舊唐書卷四十五

後晉司空同中書門下平章事劉 昫撰

輿服志第二十五

昔黃帝造車服為之屏蔽上古簡儉未立等威而三五之君不相沿習迺改正朔易服色車有輿輅之別服有裘冕之異文之以染績飾之以絺繡華蟲象物龍火分形於是典章興矣周自夷王削弱諸侯自恣窮孔翬之

羽毛無以供其侈極隨和之掌握不足慙其華則皮弁革舄之容非珠履鵠冠之玩也迨秦誅戰國斟酌舊儀則有鹵簿金根大駕法駕備千乘萬騎異舜典周官漢氏因之號乘輿三駕儀衛之盛無與比隆東京帝王博雅好古明帝始令儒者考曲臺之說依周官五輅六冕之文山龍藻火之數創為法服雖有制作竟寢不行輿駕乘金根而已服則袞冕冠則通天其後所御多從袍服事具前志而裘冕之服歷代不行後魏北齊輿服奇



詭至隋氏一統始復舊儀隋制車有四等有亘幟通幟  
輅車輅車初制五品以上乘偏幟車其後嫌其不美停  
不行用以亘車代之三品以上通幟車則青辟一品輅  
車油幟朱網唯輅車一等聽勅始得乘之馬珂一品以  
下九子四品七子五品五子衣裳有常服公服朝服祭  
服四等之制平巾幘牛角簪簪紫衫白袍靴起梁帶五  
品已上金玉鈿飾用犀為簪是為常服武官盡服之六  
品已下衫以緋至於大仗陪立五品已上及親侍加兩

襠膝蛇其勲侍去兩襠弁冠朱衣裳素革帶烏皮履是  
為公服其弁通用烏漆紗為之象牙為簪導五品已上  
亦以鹿胎為弁犀為簪導者加玉珙之飾一品九珙二  
品八珙三品七珙四品六珙三品兼有紛鞶囊佩於革  
帶之後上加玉珙一鞶囊二品以上金縷三品以上銀  
縷五品以上綵縷文官尋常入內及在本司常服之親  
王遠遊三梁冠金附蟬犀簪導白筆三師三公太子三  
師三少尚書秘書二省九寺四監太子三寺諸郡縣關

市親王文學藩王嗣王公侯進賢冠三品以上三梁五

品以上兩梁犀簪導九品以上一梁牛角簪導門下內

書殿內三省諸衛府長秋監太子左右庶子內坊諸率

宮門內坊親王府都尉府鎮防戍九品以上散官一品

已下武弁幘侍中中書令加貂蟬珮紫綬散官者白筆

御史司隸二臺法冠

一名獬豸冠

謁者臺大夫以下高山冠

並絳紗單衣白紗內單皐領襹襪裾白練裙襦絳蔽膝

革帶金飾鈎鐔方心曲領紳帶玉鏤金飾劔亦通用金

鏤山玄玉佩綬韞烏皮烏是為朝服玉佩纁朱綬施二  
玉環三品以上綠綬四品五品青綬二品以下去玉環  
六品以下去劔珮綬八品以下冠去白筆衣省內單及  
曲領蔽膝著烏皮履五品加紛鞶囊其綬纁朱者用四  
綵赤紅纁紺紅朱質纁文織長一丈八尺二百四十首  
闊九寸綠綬用四綵綠紫黃朱紅綠質長一丈八尺二  
百四十首闊九寸紫綬用四綵紫黃赤紅紫質長一丈  
六尺一百八十首闊八寸青綬三綵白青紅青質長一

丈四尺一百四十首闊七寸玄衣纁裳冕而旒者是為  
祭服綬珮劔各依朝服之數其章自七品以下降二為  
差六品以下無章文武之官皆執笏五品以上用象牙  
為之六品以下用竹木是時內外羣官文物有序僕御  
清道車服以庸於是貴賤士庶較然殊異越王侗於東  
都嗣位下詔停廢自茲以後浸以不章以至於亡唐制  
天子車輿有玉輅金輅象輅革輅木輅是為五輅耕根  
車安車四望車已上八等並供服乘之用其外有指南

車記里鼓車白鷺車鸞旗車辟惡車軒車豹尾車羊車

黃越車

豹尾黃越二車武德中無自貞觀已後加焉其黃越天寶元年制改為金鉞

屬車十

二乘並為儀仗之用大駕行幸則分前後施於鹵簿之

內若大陳設則分左右施於儀衛之內玉輅青質以玉

飾諸末重輿左青龍右白虎金鳳翅畫簾文鳥獸黃屋

左纛金鳳一在軾前十二鑾在衡

正縣鑾數皆其副輅及耕根則八

二

鈴在軾龍輦前設障塵青蓋黃裏繡飾博山鏡子樹羽

輪皆朱班重牙左建旂十有二旒皆畫升龍其長曳地

右載闔戟長四尺廣三尺蔽文旂首金龍頭銜結綬及

鈴綏駕蒼龍金鏐方鈇插翟尾五焦鏤錫鞶纓十有二

就錫馬當顧鏤金為之鞶纓鞍皆以五綵飾之就成一帀為一就也祭祀納后則供之

金輅赤質以金飾諸末餘與玉輅同駕赤駟鄉射祀還

飲至則供之象輅黃質以象飾諸末餘與玉輅同駕黃

駟行道則供之革輅白質鞶之以革餘與玉輅同駕白

駟巡狩臨兵事則供之木輅黑質漆之餘與玉輅同駕

黑駟畋獵則供之五輅之蓋旌旗之質及鞶纓皆從輅

色蓋之裏皆用黃其鏤錫五輅同耕根車青質蓋三重  
餘與玉輅同耕籍則供之安車金飾重輿曲壁八鑾在  
衡紫油纁朱裏通幟朱絲絡網朱輦纓朱覆髮髮貝絡  
駕赤駟臨幸則供之四望車制同犢車金飾八鑾在衡  
青油纁朱裏通幟朱絲絡網拜陵臨弔則供之自高宗  
不喜乘輅每有大禮則御輦以來往爰泊則天以後遂  
以為常玄宗又以輦不中禮又廢而不用開元十一年  
冬將有事於南郊乘輅而往禮畢騎而還自此行幸及



郊祀等事無遠近皆騎於儀衛之內其玉輅及腰舉之

屬但陳於鹵簿而已皇后車則有重翟厭翟翟車安車

四望車金根車六等重翟車青質金飾諸末輪畫朱金

根車牙其箱飾以重翟羽青油纁朱裏通幟繡紫帷朱

絲絡網繡紫絡帶八鑾在衡鏤錫鞶纓十二就金鍔方

鈇插翟尾朱總

總以朱為之如馬纓而小著馬勒在兩耳與兩鑣也

駕蒼龍受冊

從祀享廟則供之厭翟赤質金飾諸末輪畫朱牙其箱

飾以次翟羽紫油纁朱裏通幟紅錦帷朱絲絡網紅錦

絡帶餘如重翟車駕赤駟採桑則供之翟車黃質金飾  
諸末輪畫朱牙其車側飾以翟羽黃油纁黃裏通幘白  
紅錦朱絲絡網白紅錦絡帶餘如重翟駕黃駟歸寧則  
供之諸輦纓之色皆從車質安車赤質金飾紫通幘朱  
裏駕四馬臨幸及弔則供之四望車朱質紫油通幘油  
畫絡帶拜陵臨弔則供之金根車朱質紫油通幘油畫  
絡帶朱絲網常行則供之皇太子車輅有金輅軺車四  
望車金輅赤質金飾諸末重較箱畫簾文鳥獸黃屋伏

鹿軾龍輶金鳳一在軾前設障塵朱蓋黃裏輪畫朱牙  
左建旂九旒右載闐戟旂首金龍頭銜結綬及鈴綏駕  
赤駟四八鑾在衡二鈴在軾金鏤方釳插翟尾五焦鏤  
錫鞶纓九就從祀享正冬大朝納妃則供之輅車金飾  
諸末紫通幟朱裏駕一馬五日常服及朝享宮臣出入  
行道則供之四望車金飾諸末紫油纁通幟朱裏朱絲  
絡網駕一馬弔臨則供之王公已下車輅親王及武職  
一品象飾輅自餘及二品三品革輅四品木輅五品輅

車象輅以象飾諸末朱班輪八鑾在衡左建旂

旂畫龍一升一

降

右載闔戟革輅以革飾諸末左建旛

通帛為旛

餘同革輅

木輅以漆飾之餘同革輅輅車曲屏青通幟諸輅皆朱

質朱蓋朱旂旛一品九旒二品八旒三品七旒四品六

旒其鞶纓就數皆準此內命婦夫人乘厭翟車嬪乘翟

車婕妤已下乘安車各駕二馬外命婦公主王妃乘厭

翟車駕二馬自餘一品乘白銅飾犢車青通幟朱裏油

纁朱絲絡網駕以牛二品已下去油纁絡網四品青偏

憶有唐已來三公已下車輅皆太僕官造貯掌若受制  
行冊命及二時巡陵婚葬則給之自此之後皆騎馬而  
已唐制天子衣服有大裘之冕衮冕鷩冕毳冕繡冕玄  
冕通天冠武弁黑介幘白紗帽平巾幘白帻凡十二等  
大裘冕無旒廣八寸長一尺六寸

玄裘纁裏已下廣狹准此

金飾玉

簪導以組為纓色如其綬裘以黑羔皮為之玄領標襟

綠朱裳白紗中單阜領青標襪裾革帶玉鈎鐔大帶

素帶

朱裏紺其外上以朱下以綠紉用組也

蔽膝隨裳鹿盧玉具劔火珠鏢首

白玉雙珮玄組雙大綬六綵玄黃赤白縹綠純玄質長

二丈四尺五百首廣一尺

小雙綬長二尺一寸色同大綬而首半之間施三玉環

朱韞赤舄祀天神地祇則服之袞冕金飾垂白珠十二

旒以組為纓色如其綬黼纁充耳玉簪導玄衣纁裳十

二章

八章在衣日月星龍山華蟲火宗彝四章在裳藻粉米黼黻衣標領為升龍織成為之也各為

六等龍山以下每章一行十二白紗中單黼領青標襪

裾黼

繡龍山火三章餘同上

革帶大帶劔珮綬與上同舄加金飾

諸祭祀及廟遣上將征還飲至踐阼加元服納后若元

日受朝則服之驚冕服七章

三章在衣華蟲火宗彝  
四章在裳藻粉米黼黻餘

同兗冕有事遠主則服之毳冕服五章

三章在衣宗彝  
藻粉米二章在

裳黼  
黻也

餘同驚冕祭海岳則服之繡冕服三章

一章在衣  
粉米二章

在裳  
黼黻

餘同毳冕祭社稷帝社則服之玄冕服

衣無章裳  
刺黼一章

餘同繡冕蜡祭百神朝日夕月則服之通天冠加金

博山附蟬十二首施珠翠黑介幘髮纓翠綬玉若犀簪

導絳紗裏白紗中單領標

飾以織成

朱領標襪裾白裙襦

亦裙

也絳紗蔽膝白假帶方心曲領其革帶珮劒綬韞舄與

上同若未加元服則雙童髻空頂黑介幘雙玉導加寶

飾諸祭還及冬至朔日受朝臨軒拜王公元會冬會則

服之武弁金附蟬平巾幘餘同其服講武出征四時蒐狩大

射禡類宜社賞祖罰社纂嚴則服之弁服弁以麕皮為也十有

二琪琪以白玉珠為之玉簪導絳紗衣素裳革帶白玉雙珮鞶

囊小綬白鞵烏皮履朔日受朝則服之黑介幘白紗單

衣白裙襦革帶素鞵烏皮履拜陵則服之白紗帽亦烏紗也

白裙襦亦裙衫也白鞵烏皮履視朝聽訟及宴見賓客則服



之平巾幘

金寶飾

導簪冠支皆以玉紫褶

亦白褶

白袴玉具

裝真珠寶鈿帶乘馬則服之白恰臨大臣喪則服之太宗又制翼善冠朔望視朝以常服及帛練裙襦通著之若服袴褶又與平巾幘通用著於令其常服赤黃袍衫折上頭巾九環帶六合鞞皆起自魏周便於戎事自貞觀已後非元日冬至受朝及大祭祀皆常服而已顯慶元年九月太尉長孫無忌與修禮官等奏曰准武德初撰衣服令天子祀天地服大裘冕無旒臣無忌志寧敬

宗等謹按郊特牲云周之始郊日以至被袞以象天戴  
冕藻十有二旒則天數也而此二禮俱說周郊袞與大  
裘事乃有異按月令孟冬天子始裘明以禦寒理非當  
暑若啟蟄祈穀冬至報天行事服裘義歸通允至於季  
夏迎氣龍見而雩炎熾方隆如何可服謹尋歷代唯服  
袞章與郊特牲義旨相協按周禮輿服志云漢明帝永  
平二年制採周官禮記始制祀天地服天子制十二章  
沈約宋書志云魏晉郊天亦皆服袞又王智深宋紀曰

明帝制云以大冕純玉藻玄衣黃裳郊祀天地後魏周  
齊迄于隋氏勘其禮令祭服悉同斯則百王通典炎涼  
無妨復與禮經事無乖舛今請憲章故實郊祀天地皆  
服袞冕其大裘請停仍改禮令又檢新禮皇帝祭社稷  
服繡冕四旒三章祭日月服玄冕三旒衣無章謹按令  
文是四品五品之服此則三公亞獻皆服袞衣孤卿助  
祭服毳及鷩斯乃乘輿章數同於大夫君少臣多殊為  
不可據周禮云祀昊天上帝則服大裘而冕五帝亦如

之享先王則充冕享先公則鷩冕祀四望山川則毳冕  
祭社稷五祀則絺冕諸小祀則玄冕又云公侯伯子男  
孤卿大夫之服衮冕以下皆如王之服所以三禮義宗  
遂有三釋一云公卿大夫助祭之日所著之服降王一  
等又云悉與王同求其折衷俱未通允但名位不同禮  
亦異數天子以十二為節義在法天豈有四旒三章翻  
為御服若諸臣助祭冕與王同便是貴賤無分君臣不  
別如其降王一等則王著玄冕之時羣臣次服爵弁既

屈天子又貶公卿周禮此文久不施用亦猶祭祀之立尸侑君親之拜臣子覆巢設誓族之官去鼃置螟氏之職唯施周代事不通行是故漢魏以來下迄隋代相承舊事唯用袞冕今新禮親祭日月仍服五品之服臨事施行極不穩便請遵歷代故實諸祭並用袞冕制可之無忌等又奏曰皇帝為諸臣及五服親舉哀依禮著素服今令乃云白帟禮令乖舛須歸一塗且白帟出自近代事非稽古雖著令文不可行用請改從素服以會禮

文制從之自是驚冕已下乘輿更不服之白帟遂廢而令文因循竟不改削開元十一年冬玄宗將有事於南郊中書令張說又奏稱准令皇帝祭昊天上帝服大裘之冕事出周禮取其質也永徽二年高宗親享南郊用之明慶年修禮改用衮冕事出郊特牲取其文也自則天已來用之若遵古制則應用大裘若便於時則衮冕為美今所司造二冕呈進上以大裘樸畧冕又無旒既不可通用於寒暑乃廢不用之自是元正朝會依禮令

用袞冕及通天冠大祭祀依郊特牲亦用袞冕自餘諸

服雖在於令文不復施用十七年朝拜五陵但素服而

已朔望常朝亦用常服其翼善冠亦廢武德令皇太子

衣服有袞冕具服遠遊三梁冠公服遠遊冠烏紗帽平

巾幘五等貞觀已後又加弁服進德冠之制袞冕白珠

九旒以組為纓色如其綬青纁充耳犀簪導玄衣纁裳

九章五章在衣龍山華蟲火宗彝四章在裳藻粉米黼黻織成為之白紗中單黼領青

標襪裾革帶金鈎黼大帶素帶朱裏亦紕黻隨裳色火

以朱綠皆用組黼山二章也

玉具劔

金寶飾也

玉鏢首瑜玉雙珮朱組雙大綬四綵赤白

縹紺純朱質長一丈八尺三百二十首廣九寸

小雙綬長二尺

六寸色同大綬而首半之施二玉環也

朱韞赤舄

舄加金飾

侍從皇帝祭祀及

謁廟加元服納妃則服之具服遠遊三梁冠加金附蟬

九首施珠翠黑介幘髮纓翠綬犀簪導絳紗袍白紗中

單皐領標襪裾白裙襦白假帶方心曲領絳紗蔽膝其

革帶劔珮綬韞舄與上同後改用白韞黑舄未冠則雙

童髻空頂黑介幘雙玉導加寶飾謁廟還宮元日冬至



朔日入朝釋奠則服之公服遠遊冠

簪導以下並同前也

絳紗單

衣白裙襦革帶金鈎鰈假帶方心紛鞶囊

長六尺四寸廣二寸四分

色同大綬

白鞵烏皮履五日常服元日冬至受朝則服之烏

紗帽白裙襦白鞵烏皮履視事及宴見賓客則服之平

巾幘紫褶白袴寶鈿起梁帶乘馬則服之弁服

弁以鹿皮為之

犀簪導組纓玉珙九絳紗衣素裳革帶鞶囊小綬雙珮

白鞵烏皮履朔望及視事則兼服之進德冠九珙加金

飾其常服及白練裙襦通著之若服袴褶則與平巾幘

通著自永徽已後唯服袞冕具服公服而已若乘馬袴  
褶則著進德冠自餘並廢若讌服常服紫衫袍與諸王  
同開元二十六年肅宗升為皇太子受冊太常所撰儀  
注有服絳紗袍之文太子以為與皇帝所稱同上表辭  
不敢當請有以易之玄宗令百官詳議尚書左丞相裴  
耀卿太子太師蕭嵩等奏曰謹按衣服令皇太子具服  
有遠遊冠三梁加金附蟬九首施珠翠黑介幘髮纓綬  
犀簪導絳紗袍白紗中單皐領標襪白裙襦方心曲領

絳紗蔽膝革帶劒珮綬等謁廟還宮元日冬至朔日入  
朝釋奠則服之其絳紗袍則是冠衣之內一物之數與  
裙襦劒珮等無別至於貴賤之差尊卑之異則冠為首  
飾名制有殊并珠旒及裳綵章之數多少有別自外不  
可事事差異亦有上下通服名制是同禮重則具服禮  
輕則從省今以至敬之情有所未取衣服不可減省稱  
謂須更變名望所撰儀注不以絳紗袍為稱但稱為具  
服則尊卑有差謙光成德議奏上手勅改為朱明服下

所司行用焉武德令侍臣服有袞鷩毳繡玄冕及爵弁

遠遊進賢冠武弁獬豸冠凡十等袞冕垂青珠九旒以

組為纓色如其綬

以下旒纓皆如之也

青纊充耳簪導青衣纁裳

服九章

五章在衣龍山華蟲火宗彝為五等四章在裳藻粉米黼黻皆絳為繡偏衣而已下皆如之

白紗中單黼領

繡冕以下中單青領

青標襪裾革帶鈎釵大帶

三品

已上素帶朱裏皆紕其外上以綠五品

黻

凡黻皆隨裳帶紕其垂外以玄黃組皆用青組之

山火二章繡冕山

一章玄冕無章 劒珮綬朱襪赤舄第一品服之鷩冕

七旒服七章

三章在衣華蟲火宗彝四章在裳藻粉米黼黻也

餘同充冕第二

品服之毳冕五旒服五章

三章在衣宗彝藻粉米二章在裳黼黻也

餘同鷩

冕第三品服之繡冕四旒服二章

一章在衣粉米二章在裳黼黻

餘並

同毳冕第四品服之玄冕衣無章裳刻黻一章餘同繡

冕第五品服之爵弁

色同爵無旒無章

玄纓簪導青衣纁裳白

紗中單青領褱裾革帶鈎釧大帶

練帶紕其垂內外以繡紐約用青紐

爵

韠韍赤履九品已上服之凡冕服助祭及親迎若私家

祭祀皆服之爵弁亦同凡冕制皆以羅為之其服以紬

爵弁用紬為之其服用繒遠遊三梁冠黑介幘青綏

凡文

官皆青綬以下准此也

皆諸王服之親王則加金附蟬進賢冠三

品以上三梁五品以上兩梁九品以上一梁皆三公太

子三師三少五等爵尚書省秘書省諸寺監學太子詹

事府三寺及散官親王師友文學國官若諸州縣關津

岳瀆等流內九品以上服之武弁平巾幘

侍中中書令則加貂蟬侍

左者左珥侍右者右珥

皆武官及門下中書殿中內侍省天策上

將府諸衛領軍武侯監門領左右太子諸坊諸率及鎮

戍流內九品以上服之其親王府佐九品以上亦準此

法冠一名獬豸冠以鐵為柱其上施珠兩枚為獬豸之

形左右御史臺流內九品以上服之高山冠者內侍省

內謁者及親王下司閤等服之却非冠者亭長門僕服

之諸應冠而未冠者並雙童髻空頂幘五品已上雙玉

導金飾三品以上加寶飾六品以下無飾朝服

亦名具服

冠

幘纓簪導絳紗單衣白紗中單皐領襪裙白裙襦

亦裙衫也

革帶鉤釶假帶曲領方心絳紗蔽膝鞵舄劔珮綬一品

已下五品以上陪祭朝饗拜表大事則服之七品已上

去劔珮綬餘並同公服

亦名從省服之

冠幘纓簪導絳紗單衣

白裙襦

亦裙衫也

革帶鈎鐔假帶方心鞮履紛鞞囊一品以

下五品以上謁見東宮及餘公事則服之其六品以下

去紛鞞囊餘並同諸珮綬者皆雙綬親王纁朱綬四綵

赤黃纁紺純朱質纁文織長一丈八尺二百四十首廣

九寸一品綠紵綬四綵紫黃赤純綠質長一丈八尺二

百四十首廣九寸二品三品紫綬三綵紫黃赤純紫質

長一丈六尺一百八十首廣八寸四品青綬三綵青白



紅純青質長一丈四尺一百四十首廣七寸五品黑綬

二綵青紺純紺質長一丈二尺一百首廣六寸

自王公以下皆

有小雙綬長二尺六寸色同大綬而首半之正第一品佩二玉環自外不同也

有綬者則有紵

皆長六尺四寸廣二寸四分各隨綬色諸鞶囊二品以

上金鏤三品金銀鏤四品銀鏤五品綵鏤諸珮一品珮

山玄玉二品以下五品以上佩水蒼玉諸文官七品以

上朝服者簪白筆武官及爵則不簪諸舄履並烏色舄

重皮底履單皮底

別注色者不用此色

諸勲官及爵任職事官者

散官散號將軍同職事

正衣本服自外各從職事服諸致仕及以

理去官被召謁見皆服前官從省服平巾幘簪導冠

之五品以上紫褶六品以下緋褶加兩襠膝蛇並白袴

起梁帶

五品以上金玉雜鈿六品以下金飾隱起

鞞武官及衛官陪立大仗

則服之若文官乘馬亦通服之去兩襠膝蛇諸視品府

佐武弁平巾幘國官進賢一梁冠黑介幘簪導其服各

準正品

其流外官亦依正品流外之例

參朝則服之若謁見府公府佐

平巾黑幘國官黑介幘皆白紗單衣烏皮履諸流外官

行署三品以上黑介幘絳公服

用緋為之制同絳紗單衣

方心革帶

鈎鐔假帶韞烏皮履九品以上絳講衣

制同絳公服袖狹形直如溝不

垂去方心假帶餘同絳公服其非行署者太常寺謁者

卜博士醫助教祝史贊引鴻臚寺掌儀諸典書典學內

侍省內典引太子門下坊典儀內坊導客舍人諸贊者

王公以下舍人公主謁者等各準行署依品服自外及

民任雜掌無官品者皆平巾幘緋衫大口袴朝集從事

則服之諸典謁武弁絳公服其齋郎介幘絳講衣自外

品子任雜掌者皆平巾幘緋衫大口袴朝集從事則服之黑介幘簪導深衣青褾領革帶烏皮履未冠則雙童髻空頂黑介幘去革帶國子太學四門學生參見則服之書算學生州縣學生則烏紗帽白裙襦青領諸外官拜表受詔皆服

本品無朝服者則服之

其餘公事及初上並公服

諸州大中正進賢一梁冠絳紗公服若有本品者依本品參朝服之諸州縣佐史鄉正里正岳瀆祝史齋郎並介幘絳襦衣平巾幘緋褶大口袴紫附襦尚食局主食

典膳局主食太官署食官署掌膳服之平巾綠幘青布  
袴褶尚食局主膳典膳局典食太官署食官署供膳服  
之平巾五瓣髻青袴褶青耳履羊車小史服之總角髻  
青袴褶漏刻生漏童服之龍朔二年九月戊寅司禮少  
常伯孫茂道奏稱諸臣九章服君臣冕服章數雖殊飾  
龍名袞尊卑相亂望諸臣九章衣以雲及麟代龍昇山  
為上仍改冕當時紛議不定儀鳳年太常博士蘇知機  
又上表以公卿以下冕服請別立節文勅下有司詳議

宗文館學士校書郎楊炯奏議曰古者太昊庖犧氏仰以觀象俯以察法造書契而文籍生次有黃帝軒轅氏長而敦敏成而聰明垂衣裳而天下理其後數遷五德君非一姓體國經野建邦設都文質所以再而復正朔所以三而改夫改正朔者謂夏后氏建寅殷人建丑周人建子至於以日繫月以月繫時以時繫年此則三王相襲之道也夫易服色者謂夏后氏尚黑殷人尚白周人尚赤至於山龍華蟲宗彝藻火粉米黼黻此又百代

可知之道也謹按虞書曰予欲觀古人之象日月星辰  
山龍華蟲作繪宗彝藻火粉米黼黻絺繡由此言之則  
其所從來者尚矣夫日月星辰者明光照下土也山者  
布散雲雨象聖王澤沾下人也龍者變化無方象聖王  
應機布教也華蟲者雉也身被五采象聖王體兼文明  
也宗彝者武雉也以剛猛制物象聖王神武定亂也藻  
者逐水上下象聖王隨代而應也火者陶冶烹飪象聖  
王至德日新也米者人恃以生象聖王物之所賴也黼

能斷割象聖王臨事能決也黻者兩已相背象君臣可  
否相濟也逮有周氏乃以日月星辰為旌旗之飾又登  
龍於山登火於宗彝於是乎制袞冕以祀先王也九章  
者法於陽數也以龍為首章者袞者卷也龍德神異應  
變潛見表聖王深沈遠智卷舒神化也又制鷩冕以祭  
先公也鷩者雉也有耿介之志表公有賢才能守耿介  
之節也又制毳冕以祭四望也四望者岳瀆之神也武  
雉者山林所生也明其象也制絺冕以祭社稷也社稷



土穀之神也粉米由之成也象其功也又制玄冕以祭  
羣小祀也百神異形難可徧擬但取黻之相背異名也  
夫以周公之多才也故化定制禮功成作樂夫以孔宣  
之將聖也故行夏之時服周之冕先王之法服乃此之  
自出矣天下之能事又於是乎畢矣今表狀請制大明  
冕十二章乘輿服之者謹按日月星辰者已施旌旗矣  
龍武山火者又不踰於古矣而云麟鳳有四靈之名玄  
龜有負圖之應雲有紀官之號水有感德之祥此蓋別

表休徵終是無踰比象然則皇王受命天地興符仰觀則璧合珠連俯察則銀黃玉紫盡南宮之粉璧不足寫其形狀罄東觀之鉛黃無以紀其名實固不可畢陳於法服也雲也者從龍之氣也水也者藻之自生也又不假別為章目也此蓋不經之甚也又驚冕八章三公服之者驚者太平之瑞也非三公之德也鷹鷂者鷙鳥也適可以辨祥刑之職也能羆者猛獸也適可以旌武臣之力也又稱藻為水草無所法象引張衡賦云蒂倒茄

於藻井披紅葩之狎獵謂為蓮花取其文采者夫茄者蓮也若以蓮花代藻變古從今既不知草木之名亦未達文章之意此又不經之甚也又毳冕六章三品服之者按此王者祀四望服之名也今三品乃得同王之毳冕而三公不得同王之衮名豈惟顛倒衣裳抑亦自相矛盾此又不經之甚也又黼冕四章五品服之考之於古則無其名驗之於今則非章首此又不經之甚也若夫禮惟從俗則命為制令為詔乃秦皇之故事猶可以

適於今矣若乃義取隨時則出稱警入稱蹕乃漢國之  
舊儀猶可以行於代矣亦何取於變周公之軌物改宣  
尼之法度者哉由是竟寢知機所請景龍二年七月皇  
太子將親釋奠於國學有司草儀注令從臣皆乘馬著  
衣冠太子左庶子劉子玄進議曰古者自大夫已上皆  
乘車而以馬為駢服魏晉已降迄于隋代朝士又駕牛  
車歷代經史具有其事不可一二言也至如李廣北征  
解鞍憩息馬援南伐據鞍顧盼斯則鞍馬之設行於軍

旅戎服所乘貴於便習者也案江左官至尚書郎而輒輕乘馬則為御史所彈又顏延之罷官後好騎馬出入閭里當代稱其放誕此則專車憑軾可擐朝衣單馬御鞍宜從褻服求之近古灼然之明驗矣自皇家撫運沿革隨時至如陵廟巡幸王公冊命則盛服冠履乘彼輅車其士庶有衣冠親迎者亦時以服箱充馭在於他事無復乘車貴賤所通鞍馬而已臣伏見比者鑾輿出幸法駕首途左右侍臣皆以朝服乘馬夫冠履而出止可

配車而行今乘車既停而冠履不易可謂唯知其一而未知其二何者褒衣博帶革履高冠本非馬上所施自是車中之服必也韞而升鐙跣以乘鞍非惟不師古道亦自取驚今俗求諸折中進退無可且長裙廣袖襜如翼如鳴珮紆組鏘鏘奕奕馳驟於風塵之內出入於旌祭之間儻馬有驚逸人從顛墜遂使屬車之右遺履不收清導之傍絳驂相續固以受嗤行路有損威儀今議者皆云秘閣有梁武帝南郊圖多有衣冠乘馬者此則

近代故事不得謂無其文臣按此圖是後人所為非當時所撰且觀當今有古今圖畫者多矣如張僧繇畫羣公祖二疎而兵士有著芒屨者閭立本畫昭君入匈奴而婦人有著帷帽者夫芒屨出於水鄉非京華所有帷帽創於隋代非漢宮所作議者豈可徵此二畫以為故實者乎由斯而言則梁武南郊之圖義同於此又傳稱義惟因俗禮貴緣情殷輅周冕規模不一秦冠漢珮用舍無恒況我國家道軼百王功高萬古事有不便資於

變通其乘馬衣冠竊謂宜從省廢臣此異議其來自久  
日不暇給未及擢揚今屬殿下親從齒胄將臨國學凡  
有衣冠乘馬皆憚此行所以輒進狂言用申鄙見皇太  
子手令付外宣行仍編入令以為恒式讌服蓋古之褻  
服也今亦謂之常服江南則以巾褐裙襦北朝則雜以  
邊遠之制爰至北齊有長帽短靴合袴襖子朱紫玄黃  
各任所好雖謁見君上出入省寺若非元正大會一切  
通用高氏諸帝常服緋袍隋代帝王貴臣多服黃文綾



袍烏紗帽九環帶烏皮六合靴百官常服同於匹庶皆著黃袍出入殿省天子朝服亦如之惟帶加十三環以爲差異蓋取於便事其烏紗帽漸廢貴賤通服折上巾其制周武帝建德年所造也晉公宇文護始命袍加下襴及大業元年煬帝始制詔吏部尚書牛弘工部尚書宇文愷兼內史侍郎虞世基給事郎許善心儀曹郎素朗等憲章古則創造衣冠自天子逮于胥吏章服皆有等差始令五品以上通服朱紫是後師旅務殷車駕多

行幸百官行從雖服袴褶而軍間不便六年復詔從駕  
涉遠者文武官等皆戎衣貴賤異等雜用五色五品已  
上通著紫袍六品已下兼用緋綠胥吏以青庶人以白  
屠商以皁士卒以黃武德初因隋舊制天子讌服亦名  
常服唯以黃袍及衫後漸用赤黃遂禁士庶不得以赤  
黃為衣服雜飾四年八月勅三品已上大科紬綾及羅  
其色紫飾用玉五品已上小科紬綾及羅其色朱飾用  
金六品已上服絲布雜小綾交梭雙紉其色黃六品七

品飾銀八品九品鍮石流外及庶人服紬絕布其色通用黃飾用銅鐵五品已上執象笏三品已下前挫後直五品已上前挫後屈自有唐已來一例上圓下方曾不分別六品已下執竹木為笏上挫下方其折上巾烏皮六合靴貴賤通用貞觀四年又置三品已上服紫五品已下服緋六品七品服綠八品九品服以青帶以鍮石婦人從夫色雖有令仍許通著黃五年八月勅七品已上服龜甲雙巨十花綾其色綠九品已上服絲布及雜

小綾其色青十一月賜諸衛將軍紫袍錦為標袖八年  
五月太宗初服翼善冠貴臣服進德冠龍朔二年司禮  
少常伯孫茂道奏稱舊令六品七品著綠八品九品著  
青深青亂紫非卑品所服望請改八品九品著碧朝參  
之處聽兼服黃從之總章元年始一切不許著黃上元  
元年八月又制一品已下帶手巾算袋仍珮刀子礪石  
武官欲帶者聽之文武三品已上服紫金玉帶四品服  
深緋五品服淺緋竝金帶六品服深綠七品服淺綠竝

銀帶八品服深青九品服淺青竝鍮石帶庶人竝銅鐵帶文明元年七月甲寅詔旗幟皆從金色飾之以紫畫以雜文八品已下舊服者竝改以碧京文官五品已上六品已下七品清官每日入朝常服袴褶諸州縣長官在公衙亦准此景雲中又制令依上元故事一品已下帶手巾算袋其刀子礪石等許不珮武官五品已上珮韞韞七事七謂佩刀刀子礪石契苾真噦厥針筒火石袋等也至開元初復罷之則天天授二年二月朝集使

刺史賜繡袍各於背上繡成八字銘長壽三年四月勅  
賜岳牧金字銀字銘袍延載元年五月則天內出緋紫  
單羅銘襟背衫賜文武三品已上左右監門衛將軍等  
飾以對師子左右衛飾以麒麟左右武威衛飾以對虎  
左右豹韜衛飾以豹左右鷹揚衛飾以鷹左右玉鈴衛  
飾以對鵠左右金吾衛飾以對豸諸王飾以盤龍及鹿  
宰相飾以鳳池尚書飾以對鴈武德已來始有巾子文  
官名流上平頭小樣者則天朝貴臣內賜高頭巾子呼

為武家諸王樣中宗景龍四年三月因內宴賜宰臣已  
下內樣巾子開元已來文官士伍多以紫阜官絕為頭  
巾平頭巾子相效為雅製玄宗開元十九年十月賜供  
奉官及諸司長官羅頭巾及官樣巾子迄今服之也天  
寶十載五月改諸衛旗幡隊仗先用緋色竝用赤黃色  
以符土德高祖武德元年九月改銀莧符為銀魚符高  
宗永徽二年五月開府儀同三司及京官文武職事四  
品五品竝給隨身魚咸亨三年五月五品已上賜新魚

袋竝飾以銀三品已上各賜金裝刀子礪石一具垂拱  
二年正月諸州都督刺史竝准京官帶魚袋天授元年  
九月改内外所佩魚竝作龜久視元年十月職事三品  
已上龜袋宜用金飾四品用銀飾五品用銅飾上守下  
行皆從官給神龍元年二月内外官五品已上依舊佩  
魚袋六月郡王嗣王特許佩金魚袋景龍三年八月令  
特進佩魚散職佩魚自此始也自武德已來皆正員帶  
闕官始佩魚袋員外判試檢校自則天中宗後始有之



皆不佩魚雖正員官得佩亦去任及致仕即解去魚袋  
至開元九年張嘉貞為中書令奏諸致仕許終身佩魚  
以為榮寵以理去任亦聽佩魚袋自後恩制賜賞緋紫  
例兼魚袋之章服因之佩魚袋服朱紫者衆矣梁制云  
袴褶近代服以從戎今纘嚴則文武百官咸服之車駕  
親戎則縛袴不舒散也中官紫褶外官絳褶烏用皮服  
冠衣朱者紫衣用赤烏烏衣用烏烏唯褶服以靴靴胡  
履也取便於事施於戎服舊制乘輿案褥牀帷皆

以紫為飾天寶六載禮儀使太常卿韋縉奏請依御製

色以赤黃為飾從之武德令皇后服有禕衣鞠衣鈿釵

禮衣三等禕衣首飾花十二樹并兩博鬢其衣以深青

織成為之文為翬翟之形

素質五色十二等

素紗中單黼領羅

縠褱襪

褱襪皆用朱色也

縠膝

隨裳色以縠為領用翟為章三等

大帶

隨衣色朱裏紕

其外上以朱錦下以綠錦組約用青組

以青衣革帶青韉烏

烏加金飾

白玉雙

珮玄組雙大綬

章綵尺寸與乘輿同

受冊助祭朝會諸大事則服

之鞠衣

黃羅為之其縠膝大帶及衣草帶烏隨衣色餘與禕衣同唯無雉也

親蠶則服之

鈿釵禮衣十二鈿服通用雜色制與上同唯無雉及珮

綬去鳥加履

宴見賓客則服之皇太子妃服首飾花九樹小花

如大花之數并兩博鬢也

綬翟

青織成為之文為搖翟之形青質五色九等也

素紗中單黼

領羅縠縠標襪

標襪皆用朱也

縠膝

隨裳色用緞為領緣以搖翟為章二等也

大帶

隨衣

色朱裏紕其外上以朱錦下以綠錦組用青組

以青衣革帶青韞舄

舄加金飾

瑜玉

珮紅朱雙大綬

章綵尺寸與皇太子同

受冊助祭朝會諸大事則

服之鞠衣

黃羅為之其縠膝大帶及衣革帶隨衣色餘綬翟同唯無雉也

從蠶則服之

鈿釵禮衣九鈿服通用雜色制與上同唯無雉及珮綬

去鳥如履宴見賓客則服之內外命婦服花釵施兩博鬢實釵飾也翟

衣青質

羅為之繡為雉編次於衣及裳重為九等而下

第一品花鈿九樹

實鈿准花

數以下准此也

翟九等第二品花鈿八樹翟八等第三品花鈿

七樹翟七等第四品花鈿六樹翟六等第五品花鈿五

樹翟五等竝素紗中單黼領朱褙

亦通用羅縠也

蔽膝

隨裳色以

緞為領緣加以文繡重雉為章二事一品已下皆同也

大帶

隨衣色緋其外上以朱錦下以綠錦紐同

青組青衣革帶青鞵烏珮綬內命婦受冊從蠶朝會則服

之其外命婦嫁及受冊從蠶大朝會亦準此鈿釵禮衣

通用雜色制與上同唯無雉及珮綬

去鳥加履

第一品九鈿

第二品八鈿第三品七鈿第四品六鈿第五品五鈿內

命婦尋常參見外命婦朝參辭見及禮會則服之六尚

寶林御女采女官等服禮衣通用雜色制與上同惟無

首飾七品已上有大事服之尋常供奉則公服

公服去中單蔽

膝大帶

九品已上大事及尋常供奉並公服東宮準此女

史則半袖裙襦諸公主王妃珮綬同諸王縣主內命婦

準品外命婦五品已上皆準夫子即非因夫子別加邑

號者亦準品婦人宴服準令各依夫色上得兼下下不得僭上既不在公庭而風俗奢靡不依格令綺羅錦繡隨所好尚上自宮掖下至匹庶遞相倣效貴賤無別武德貞觀之時宮人騎馬者依齊隋舊制多著罽羅雖發自我夷而全身障蔽不欲途路窺之王公之家亦同此制永徽之後皆用帷帽拖裙到頸漸為淺露尋下勅禁斷初雖暫息旋又仍舊咸亨二年又下勅曰百官家口咸預士流至於衢路之間豈可全無障蔽比來多著帷

帽遂弃罽羅曾不乘車別坐檐子遞相倣效浸成風俗  
過為輕率深失禮容前者已令漸改如聞猶未止息又  
命婦朝謁或將馳駕車既入禁門有虧肅敬此竝乖於  
儀式理須禁斷自今已後勿使更然則天之後帷帽大  
行罽羅漸息中宗即位宮禁寬弛公私婦人無復罽羅  
之制開元初從駕宮人騎馬者皆著胡帽靚粧露面無  
復障蔽士庶之家又相倣效帷帽之制絕不行用俄又  
露髻馳騁或有著丈夫衣服韡衫而尊卑內外斯一貫

矣奚車契丹塞外用之開元天寶中漸至京城毳籠巴  
蜀婦人所用今乾元已來蕃將多著勲於朝毳籠易於  
擔負京城奚車毳籠代於車輦矣武德來婦人著履規  
制亦重又有線鞞開元來婦人例著線鞋取輕妙便於  
事侍兒乃著履臧獲賤伍者皆服襴衫太常樂尚胡曲  
貴人御饌盡供胡食士女皆竟衣胡服故有范陽羯胡  
之亂兆於好尚遠矣太極元年左司郎中唐紹上疏曰  
臣聞王公已下送終明器等物具標甲令品秩高下各



有節文孔子曰明器者備物而不可用以芻靈者善為  
俑者不仁傳曰俑者謂有面目機發似於生人也以此  
而葬殆將於殉故曰不仁近者王公百官競為厚葬偶  
人像馬雕飾如生徒以眩耀路人本不因心致禮更相  
扇慕破產傾資風俗流行遂下兼士庶若無禁制奢侈  
日增望諸王公已下送葬明器皆依令式竝陳於墓所  
不得衢路行又士庶親迎之儀備諸六禮所以承宗廟  
事舅姑當須昏以為期詰朝謁見往者下俚庸鄙時有

障車邀其酒食以為戲樂近日此風轉盛上及王公乃  
廣奏音樂多集徒侶遮擁道路留滯淹時邀致財物動  
踰萬計遂使障車禮貺過於聘財歌舞喧譁殊非助感  
既虧名教實蠹風猷違紊禮經須加節制望請婚姻家  
障車者竝須禁斷其有犯者有陰家請準犯名教例附  
簿無陰人決杖六十仍各科本罪制從之

舊唐書卷四十五

舊唐書卷四十五考證

輿服志小雙綬長二尺一寸○新書二尺六寸

按周禮輿服志云○沈炳震曰周禮無輿服志志輿服起于後漢書也應誤

朱鞮赤舄○新書白鞮赤舄

毳冕五旒○新書七旒

繡冕四旒○新書六旒

七品已上去劔珮綬餘並同公服○新書六品以下

二品已上金鏤三品金銀鏤四品銀鏤五品綵鏤○新書無五品

臣德潛

按輿服中不及大駕鹵簿皇后鹵簿皇太子

鹵簿亦屬闕畧

舊唐書卷四十五考證

謹案第三頁前八行方心曲領刊本方訛之據新  
書改

第四頁後七行前設障塵刊本障訛郭今改

第五頁前六行七行同駕白駱刊本駱訛輅今改

第九頁前四行裳刺黼一章刊本黼下衍黻字據

新書刪

第九頁前七行朱領標襪裾刊本訛作朱襪裾白

裾據新書改

第十頁後六行周禮輿服志云按此下節引後漢志文周禮二字誤見後考證

第十七頁後二行假帶方心刊本方訛古今改





總校官庶吉士臣侍朝

校對官中書臣馮培

膳錄監生臣張虎文

欽定四庫全書薈要

史部

舊唐書卷四十六

詳校官內閣侍讀孫球





欽定四庫全書薈要卷四千九百六十二

史部

舊唐書卷四十六

後晉司空同中書門下平章事劉 昫撰

經籍志第二十六

經籍上

夫龜文成象肇八卦於庖犧鳥跡分形創六書於蒼頡  
聖作明述同源異流墳典起之於前詩書繼之於後先  
王陳迹後王準繩易曰人文以化成天下禮曰君子如

欲化民成俗其必由學乎學者非他方策之謂也琢玉成器觀古知今歷代哲王莫不崇尚自仲尼沒而微言絕七十子喪而大義乖嬴氏坑焚以愚黔首漢興學校復創石渠雄向校讐於前馬鄭討論於後兩京載籍繇是粲然及漢末遷都焚溺過半爰自魏晉迄於周隋而好事之君慕古之士亦未嘗不以圖籍為意也然河北江南未能混一偏方購輯卷帙未弘而荀勗李充王儉任昉祖暉皆達學多聞歷世整比羣分類聚遞相祖述

或為七錄或為四部言其部類多有所遺及隋氏建邦  
寰區一統煬皇好學喜聚逸書而隋世簡編最為博洽  
及大業之季喪失者多貞觀中令狐德棻魏徵相次為  
秘書監上言經籍亡逸請行購募并奏引學士校定羣  
書大備開元三年左散騎常侍褚无量馬懷素侍宴言  
及經籍玄宗曰內庫皆是太宗高宗先代舊書常令宮  
人主掌所有殘缺未遑補緝篇卷錯亂難於檢閱卿試  
為朕整比之至七年詔公卿士庶之家所有異書官借

繕寫及四部書成上令百官入乾元殿東廊觀之無不  
駭其廣九年十一月殷踐猷王愜韋述余欽母熒劉彥  
真王灣劉仲等重修成羣書四部錄二百卷右散騎常  
侍元行冲奏上之自後母熒又畧為四十卷名為古今  
書錄大凡五萬一千八百五十二卷祿山之亂兩都覆  
沒乾元舊籍亡散殆盡肅宗代宗崇重儒術屢詔購募  
文宗時鄭覃侍講禁中以經籍道喪屢以為言詔令秘  
閣搜訪遺文日令添寫開成初四部書至五萬六千四

百七十六卷及廣明初黃巢干紀再陷兩京宮廟寺署  
焚蕩殆盡曩時遺籍尺簡無存及行在朝諸儒購輯所  
傳無幾昭宗即位志弘文雅秘書省奏曰當省元掌四  
部御書十二庫共七萬餘卷廣明之亂一時散失後來  
省司購募尚及二萬餘卷及先朝再幸山南尚存一萬  
八千卷竊知京城制置使孫惟晟收在本軍其御書秘  
閣見充教坊及諸軍人占住伏以典籍國之大經秘府  
校讐之地其書籍並望付當省校其殘缺漸令補輯樂

人乞移他所並從之及遷都洛陽又喪其半平時載籍  
世莫得聞今錄開元盛時四部諸書以表藝文之盛四  
部者甲乙丙丁之次也甲部為經其類十二一曰易以  
紀陰陽變化二曰書以紀帝王遺範三曰詩以紀興衰  
誦嘆四曰禮以紀文物體制五曰樂以紀聲容律度六  
曰春秋以紀行事褒貶七曰孝經以紀天經地義八曰  
論語以紀先聖微言九曰圖緯以紀六經讖候十曰經  
解以紀六經讖候十一曰詁訓以紀六經讖候十二曰

小學以紀字體聲韻乙部為史其類十有三一曰正史  
以紀紀傳表志二曰古史以紀編年繫事三曰雜史以  
紀異體雜紀四曰霸史以紀偽朝國史五曰起居注以  
紀人君言動六曰舊事以紀朝廷政令七曰職官以紀  
班序品秩八曰儀注以紀吉凶行事九曰刑法以紀律  
令格式十曰雜傳以紀先聖人物十一曰地理以紀山  
川郡國十二曰譜系以紀世族繼序十三曰畧錄以紀  
史策條目丙部為子其類一十有四一曰儒家以紀仁

義教化二曰道家以紀清淨無為三曰法家以紀刑法  
典制四曰名家以紀循名責實五曰墨家以紀強本節  
用六曰縱橫家以紀辯說詭詐七曰雜家以紀兼敘衆  
說八曰農家以紀播植種藝九曰小說家以紀芻辭輿  
誦十曰兵法以紀權謀制度十一曰天文以紀星辰象  
緯十二曰歷數以紀推步氣朔十三曰五行以紀卜筮  
占候十四曰醫方以紀藥餌針灸丁部為集其類有三  
一曰楚詞以紀騷人怨刺二曰別集以紀詞賦雜論三



曰總集以紀文章事類昺等撰集依班固藝文志體例  
諸書隨部皆有小序發明其指近史官撰隋書經籍志  
其例亦然竊以紀錄簡編異題卷部相沿序述無出前  
修今之殺青亦所不取但紀部帙而已而昺等所序四  
部都錄以明新修之旨今畧載之竊以經墳浩廣史圖  
紛博尋覽者莫之能徧司總者常苦其多何暇重屋複  
牀更繁其說若先王有闕典上聖有遺事邦政所急儒  
訓是先宜垂教以作程當闡規而開典則不遑啓處何

獲宴寧曩之所修誠惟此義然禮有未愜追怨良深于  
時祕書省經書實多亡闕諸司墳籍不暇討論此則事  
有未周一也其後周覽人間頗覩闕文新集記貞觀之  
前永徽已來不取近書採長安之上神龍已來未錄此  
則理有未弘二也書閱不徧事復未周或不詳名氏或  
未知部伍此則體有未通三也書多闕目空張第數既  
無篇題實乖標榜此則例有所虧四也所用書序或取  
魏文貞所分書類皆據隋經籍志理有未允體有不通

此則事實未安五也昔馬談作史記班彪作漢書皆兩  
葉而僅成劉歆作七畧王儉作七志踰二紀而方就孰  
有四萬卷目二千部書名目首尾三年便令終竟欲求  
精悉不其難乎所以常有遺恨竊思追雪乃與類同契  
積思潛心審正舊疑詳開新制永徽新集神龍近書則  
釋而附也未詳名氏不知部伍則論而補也空張之目  
則檢獲便增未允之序則詳宜別作紕繆咸正混雜必  
刊改舊傳之失者三百餘條加新書之目者六千餘卷

凡經錄十二家五百七十五部六千二百四十一卷史  
錄十三家八百四十部一萬七千九百四十六卷子錄  
十七家七百五十三部一萬五千六百三十七卷集錄  
三家八百九十二部一萬二千二十八卷凡四部之錄  
四十五家都管三千六十部五萬一千八百五十二卷  
成書錄四十卷其外有釋氏經律論疏道家經戒符籙  
凡二千五百餘部九千五百餘卷亦具翻釋名氏序述  
指歸又勒成目錄十卷名曰開元內外經錄若夫先王

祕傳列代奧文自古之粹籍靈符絕域之神經怪牒盡  
載於此二書矣夫經籍者開物成務垂教作程聖哲之  
能事帝王之達典而去聖已久開鑿遂多苟不剖判條  
源甄明科部則先賢遺事有卒代而不聞大國經書遂  
終年而空泯使學者孤舟泳海弱羽憑天銜石填溟倚  
杖追日莫聞名目豈詳家代不亦勞乎不亦弊乎將使  
書千帙於掌眸披萬函於年紀覽錄而知旨觀目而悉  
詞經墳之精術盡探賢哲之睿思咸識不見古人之面

而見古人之心以傳後來不其愈已其序如此哭等四  
部目及釋道目並有小序及注撰人姓氏卷軸繁多今  
並畧之但紀篇部以表我朝文物之大其釋道錄目附  
本書今亦不取據開元經篇為之志天寶已後名公各  
著文章儒者多有撰述或記禮法之沿革或裁國史之  
繁畧皆張部類其徒實繁臣以後出之書在開元四部  
之外不欲雜其本部今據所聞附撰人等傳其諸公文  
集亦見本傳此並不錄四部區分詳之于下

甲部經錄十二家五百七十五部六千二百四十一卷

易類一

書類二

詩類三

禮類四

樂類五

春秋類六

孝經類七

論語類八

讖緯類九

經解類十

詁訓類十一

小學類十二

歸藏十三卷

殷易司馬膺注

周易二卷

卜商傳

又十卷

孟喜章句

又十卷

京房章句

又四卷

費直章句

又十卷

馬融章句

又九卷

注鄭玄

又十卷

注荀爽章句

又五卷

注劉表

又十卷

注王肅

又十卷

注董遇

又十卷

注宋衷

又七卷

注王弼

又九卷

注虞翻

又十三卷

注陸績

又十卷

注荀氏九家集解

又十卷

注馬鄭二王集解

又十卷

注姚信

又十卷

注王弼韓康伯注

又十卷

注二王集注

又十卷

注荀暉

又十卷

注蜀才



又十卷

張璠集解

又十卷

王虞注

又十卷

干寶注

又十卷

黃穎注

又十卷

崔浩注

又十三卷

崔觀注

又十卷

何胤注

又十卷

盧氏注

又十四卷

傅氏注

又十卷

王玄度注

又十卷

王又玄注

又十卷

任希古注

又十卷

王凱冲注

周易發揮五卷

王勃撰

周易繫辭二卷

謝萬注

又二卷

桓玄注

又二卷

荀諲注

又二卷

宋塞注

周易義疏二十卷

宋明帝注

宋羣臣講易疏二十卷

張該等注

周易大義二十卷

梁武帝撰

周易講疏三十五卷

梁武帝撰

周易發題義一卷

周易幾義一卷

蕭偉撰

周易大義疑問二十卷

梁武帝撰

周易義疏十四卷

蕭子政撰

周易講疏三十卷

張譏注

又十三卷

何妥撰

又十六卷

褚仲都撰

周易正義十四卷

孔穎達撰

周易新論十卷

陰弘道撰

周易文句義疏二十四卷

陸德明撰

周易文外大義二卷

陸德明撰

周易新注本義十四卷

薛仁貴撰

周易開題論序十卷

周易文句義疏二十卷

己上卷  
梁武撰

周易大衍論三卷

玄宗撰

周易四卷

鍾會撰

周易大演論一卷

王弼撰

周易論一卷

應吉甫撰

周易統畧論三卷

鄒湛撰

周易畧論一卷

張璠撰

周易論二卷

暨長成難  
暨仲容答

易論一卷

宋處  
宗撰

通易象論一卷

宣駛  
撰

又一卷

樂永  
初撰

周易繫辭義二卷

劉向  
撰

周易乾坤義疏一卷

劉瓛  
撰

周易畧譜一卷

沈熊  
撰

周易文義一卷

干寶  
撰

周易卦序論一卷

楊乂  
撰

周易譜一卷

袁宏  
撰

周易論四卷

范氏  
撰

周易雜音三卷

周易釋序義三卷

梁蕃  
撰

右易七十八部凡六百七十三卷

古文尚書十三卷

孔安國撰

又十卷

孔安國傳范甯注

又十卷

李顥集注

又十卷

姜道盛集注

又十卷

馬融注

又九卷

鄭玄注

又十卷

王肅注

又十三卷

謝沈注

尚書暢訓三卷

伏勝注

尚書洪範五行傳十一卷

劉向撰

尚書答問三卷

王肅注

尚書釋駁五卷

王肅撰

尚書釋問四卷

王粲問田瓊韓益正鄭玄注

尚書義注三卷

呂文優撰

尚書釋義四卷

伊說撰

尚書要畧二卷

李顥撰

尚書新釋二卷

李顥撰

尚書百問一卷

顧歡撰

尚書義疏十卷

巢猗撰

尚書百釋三卷

巢猗撰

尚書義疏十卷

費昶撰

古文尚書大義二十卷

任孝恭撰

尚書義疏三十卷

蔡寶大撰

尚書文外義三十卷

顧彪撰

尚書義疏二十卷

劉焯撰

尚書述義二十卷

劉炫撰

尚書正義二十卷

孔穎達撰

古文尚書音義五卷

顧彪撰

尚書音義四卷

王儉撰

右尚書二十九部凡二百七十二卷

韓詩二十卷

卜商序  
韓嬰撰

韓詩外傳十卷

韓嬰撰

毛詩十卷

毛萇撰

毛詩詁訓二十卷

鄭玄箋

毛詩二十卷

王肅注

葉詩二十卷

葉遵注

集注毛詩二十四卷

崔靈恩集注

韓詩翼要十卷

卜商撰

毛詩譜二卷

鄭玄撰

毛詩集序二卷

卜商撰

毛詩義注五卷

毛詩雜義駁八卷

王肅撰

毛詩問難二卷

王肅撰

毛詩駁五卷

王伯興撰

毛詩義問十卷

劉楨撰

毛詩雜答問五卷

毛詩雜義難十卷

毛詩異同評十卷

孫毓撰

毛詩釋義十卷

謝沈撰

毛詩辯三卷

楊乂撰

毛詩序義一卷

劉氏撰

毛詩表隱二卷

毛詩義疏五卷

張氏撰

毛詩誼府三卷

元延明撰

毛詩草木鳥獸魚蟲疏二卷

陸璣撰

毛詩述義三十卷

劉炫撰

毛詩正義四十卷

孔穎達撰

毛詩音義二卷

魯世達撰

毛詩諸家音十五卷

鄭玄等注



難孫氏詩評四卷

陳統撰

右詩三十部凡三百十三卷

周官十二卷

馬融傳

周官禮十三卷

鄭玄注

又十卷

伊說撰

又十二卷

王肅注

又十二卷

干寶注

周官論評十二卷

陳邵駁傳玄評

周官寧朔新書八卷

司馬佃序王懋約注

周官駁難五卷

孫畧問干寶答

周禮義疏四十卷

沈重撰

周禮疏五十卷

賈公彥撰

周禮義決三卷

王玄度撰

周官音三卷

鄭玄撰

儀禮十七卷

鄭玄注

又十七卷

王肅注

儀禮音二卷

喪服紀一卷

馬融注

又一卷

鄭玄注

又一卷

袁準注

又一卷

又一卷

陳銓注

又二卷

蔡超宗注

又二卷

田僧紹注

喪服變除一卷

戴德撰

喪服要紀一卷

馬融注

喪服要集議三卷

杜預撰

喪服要紀五卷

賀循撰  
謝微注

儀禮疏五十卷

賈公彥撰

喪服變除一卷

鄭玄撰

喪服要紀十卷

賀循撰庾蔚之注

喪服古今集記三卷

王儉撰

喪服五代行要記十卷

王遂之志

喪服經傳義疏四卷

沈文阿撰

喪服發題二卷

沈文阿撰

喪服文句義十卷

皇侃撰

喪服天子諸侯圖二卷

謝慈撰

喪服圖一卷

崔遊撰

喪服譜一卷

蔡謨撰

喪服譜一卷

賀循撰

喪服要難一卷

趙成問仇祈答

大戴禮記十三卷

戴德撰

小戴禮記二十卷

戴聖撰鄭玄注

禮記二十卷

盧植注

又三十卷

王肅注

又三十卷

孫炎注

又十二卷

葉遵注

禮記寧朔新書二十卷

司馬佃序  
王懋約注

次禮記二十卷

魏徵撰

月令章句十二卷

戴顒撰

禮記中庸傳一卷

戴顒撰

禮記義記四卷

鄭小同撰

禮記要鈔六卷

緱氏撰

禮記音二卷

鄭玄注  
曹耽解

又二卷

謝慈撰

又二卷

李軌撰

又二卷

尹毅撰

又三卷

徐邈撰

又二卷

徐爰撰

禮記隱二十六卷

禮記畧解十卷

庾蔚之撰

禮記講疏一百卷

皇侃撰

禮記義疏五十卷

皇侃撰

禮記義疏四十卷

沈重撰

禮記義疏四十卷

熊安生撰

禮記義證十卷

劉方撰

禮記類聚十卷

禮記正義七十卷

孔穎達撰

禮記疏八十卷

賈公彥撰

禮論三百七卷

何承天撰

禮義二十卷

戴聖等撰

三禮目錄一卷

鄭玄注

問禮俗十卷

董勛撰

禮記評十卷

劉雋撰

禮儀問答十卷

王儉撰

雜禮義十一卷

吳商等撰

禮義雜記故事十一卷

禮問九卷

范甯撰

禮論答問九卷

范甯撰

禮論問答九卷

徐廣撰

雜禮儀問答四卷

戚壽撰

禮論降議三卷

顏延之撰

禮論條牒十卷

任預撰

禮論帖三卷

任預撰

禮論抄六十六卷

任預撰

禮論抄二十卷

庾蔚之撰

禮儀答問十卷

王儉撰

禮雜抄畧二卷

荀萬秋撰

禮議一卷

傅伯祚撰

禮統郊祀六卷

禮論要抄十三卷

禮記區分十卷

禮論抄畧十三卷

禮大義十卷

梁武帝撰

禮疑義五十卷

周捨撰

禮記義十卷

何佟之撰

禮答問十卷

何佟之撰

三禮義宗三十卷

崔靈思撰

禮論要抄一百卷

賀瑒撰

禮統十三卷

賀述撰

三禮宗畧二十卷

元延明撰

三禮圖十二卷

夏侯伏朗撰

江都集禮一百二十卷

潘徽等撰

大唐新禮一百卷

房玄齡等撰

紫宸禮要十卷

大聖天后撰

右禮一百四部周禮十三家儀禮喪服二十八

家禮論答問三十五家凡一千九百四十五卷

樂書九卷

信都  
芳注

管絃記十二卷

留進錄  
凌秀注

鐘磬志二卷

公孫  
崇撰

樂社大義十卷

梁武  
帝撰

樂論三卷

梁武  
帝撰

鐘律五卷

沈重  
撰

古今樂錄十三卷

釋智  
丘撰

樂府聲調六卷

鄭譯  
撰

樂譜集解二十卷

蕭吉  
撰

樂志十卷

蘇夔  
撰

樂經三十卷

季玄  
楚撰

樂書要錄十卷

大聖天  
后撰



樂畧四卷

聲律指歸一卷

元愬撰

樂元起二卷

琴操二卷

桓譚撰

琴操三卷

孔衍撰

琴譜四卷

劉氏周氏等撰

琴譜二十一卷

陳懷撰

琴敘譜九卷

趙耶律撰

琴集歷頭拍簿一卷

外國伎曲三卷

論樂事二卷

外國伎曲名一卷

歷代曲名一卷

推七音一卷

十二律譜義一卷

鼓吹樂章一卷

古今樂記八卷

李守真撰

右樂二十九部凡一百九十五卷

春秋三家經詁訓十二卷

賈逵撰

春秋經十一卷

士燮撰

春秋傳十卷

王朗注

春秋左氏長經章句三十卷

賈逵撰

春秋左氏傳解詁三十卷

賈逵撰

春秋左氏傳解詁三十卷

服虔注

春秋左氏經傳章句三十卷

董遇注

春秋左氏傳三十卷

王肅注

春秋左氏傳三十卷

杜預注

春秋左氏傳義注三十卷

孫毓注

春秋左氏傳音三卷

高貴鄉公撰

春秋左氏音四卷

曹耽荀誦撰

春秋左氏音隱一卷

服虔撰

春秋左氏傳音三卷

杜預注

又三卷

李洪範撰

又三卷

孫邈撰

又三卷

王元規撰

又十二卷

春秋左氏傳條例二十卷

劉歆撰

春秋左氏傳條例章句九卷

鄭衆撰

春秋左氏傳例七卷

又十五卷

杜預撰

春秋左氏條例十卷

劉寔撰

春秋左氏經例十卷

方範撰

春秋左氏膏肓十卷

何休撰鄭玄歲

春秋成長說七卷

服虔撰

春秋左氏膏肓釋病五卷

春秋達長義一卷

王玠撰

春秋左氏傳說要十卷

廉信撰

春秋塞難三卷

服虔撰

春秋左氏傳賈服異同畧五卷

孫毓撰

春秋左氏傳例苑十八卷

梁簡文帝撰

春秋義函傳十六卷

干寶撰

春秋左氏釋滯十卷

殷興撰

春秋序論一卷

干寶撰

春秋左氏區分十二卷

何始貞撰

春秋左氏義畧三十卷

張冲撰

春秋左氏抄十卷

左氏杜預評二卷

春秋圖七卷

嚴彭祖撰

春秋辭苑五卷

春秋經傳說例疑隱一卷

吳畧撰

春秋雜義五卷

春秋土地名三卷

春秋旨通十卷

王延之撰

春秋大夫譜十一卷

顧啓期撰

春秋叢林十二卷

李誼撰

春秋立義十卷

崔靈思撰

春秋申先儒傳例十卷

崔靈思撰

春秋經解六卷

沈宏撰

春秋文苑六卷

沈宏撰

春秋嘉語六卷

沈宏撰

春秋義畧二十七卷

沈文阿撰

春秋攻昧十二卷

劉炫撰

春秋規過三卷

劉炫撰

春秋述議三十七卷

劉炫撰

春秋正義三十七卷

孔穎達撰

春秋公羊傳五卷

公羊高傳  
嚴彭祖述

春秋公羊經傳十三卷

何休注

春秋公羊經傳集解十四卷

孔氏注

春秋公羊十二卷

王愆期撰

春秋公羊傳記十二卷

高襲注

何氏春秋漢議十一卷

何休撰鄭玄駁糜信注

何氏春秋漢記十一卷

服虔注

春秋公羊條傳一卷

何休注

春秋公羊墨守二卷

何休撰鄭玄發

春秋公羊答問五卷

荀爽問徐欽答

春秋公羊音二卷

王儉撰

春秋公羊達義三卷

劉寔撰  
劉晏注

春秋公羊論二卷

翼康難王  
愆期答

春秋穀梁傳十三卷

段氏注

春秋穀梁章句十五卷

穀梁俶解  
尹更始注

春秋穀梁傳十二卷

唐固注

又十二卷

麋信注

又十一卷

張靖  
集解

春秋公羊達義三卷

劉晏注

春秋穀梁經傳十六卷

程闡  
集注

春秋穀梁傳十三卷

孔衍  
訓注

又十二卷

范甯  
集注

又十三卷

徐乾  
注

春秋穀梁十二卷

徐邈  
注



春秋穀梁經集解十卷

沈仲義注

春秋穀梁廢疾三卷

何休作鄭玄  
釋張靖成歲

穀梁傳義三卷

蕭邕注

春秋穀梁傳義十二卷

徐邈注

春秋穀梁音一卷

徐邈撰

春秋穀梁傳疏十三卷

楊士勳撰

春秋公羊穀梁左氏集解十一卷

劉兆撰

春秋三傳論十卷

楊益撰

春秋三傳經解十一卷

胡訥集撰

春秋三傳評十卷

胡訥撰

春秋公羊穀梁二傳評三卷

江熙撰

春秋繁露十七卷

董仲舒撰

春秋辯證明經論六卷

春秋二傳異同十一卷

李鉉撰

春秋合三傳通論十卷

潘叔度注

春秋成集十卷

潘叔度注

春秋外傳國語二十卷

左丘明撰

春秋外傳國語章句二十二卷

王肅注

春秋外傳國語二十一卷

虞翻撰

又二十一卷

韋昭注

又二十一卷

又二十一卷

唐固注

右春秋一百二部一千一百八十四卷

古文孝經一卷

孔子說曾參受孔安國傳

孝經一卷

王肅注

又一卷

鄭玄注

古文孝經一卷

劉邵注

孝經一卷

韋昭注

又一卷

孫熙注

又一卷

蘇林注

孝經默注二卷

徐整撰

又一卷

謝萬注

又一卷

虞盤佐注

又一卷

孔光注

又一卷

殷仲文注

又一卷

殷叔道注

又一卷

魏克己注

又一卷

玄宗注

講孝經義四卷

車胤等注

講孝經集解一卷

荀勗撰

孝經義疏三卷

皇侃撰

大明中皇太子講孝經義疏一卷

何約之執經

孝經疏十八卷

梁武帝撰

孝經發題四卷

太史叔明撰

孝經述義五卷

劉炫撰

孝經疏五卷

賈公彥撰

越王孝經新義十卷

任希古撰

孝經應瑞圖一卷

演孝經十二卷

張士儒撰

孝經疏三卷

元行冲撰

論語十卷

何晏集解

又十卷

鄭玄注虞喜贊

又十卷

王肅注

又十卷

鄭玄注

又十卷

宋明帝撰衛瓘注

又十卷

李充注

又十卷

孫綽集解

又十卷

梁顗注

論語集義十卷

盈氏撰

論語九卷

孟釐注

論語十卷

袁喬注

又十卷

尹毅注

又十卷

江熙集解

又十卷

孫氏注

次論語五卷

王勃撰

論語音二卷

徐邈撰

古論語義注譜一卷

徐氏撰

論語釋義十卷

鄭玄注

論語義注十卷

暢惠明撰

論語義注隱三卷

論語篇目弟子一卷

鄭玄注

論語釋疑二卷

王弼撰

論語釋十卷

論語駁二卷

樂肇撰

論語大義解十卷

崔豹撰

論語旨序二卷

繆播撰

論語體畧二卷

郭象撰

論語雜義十三卷

論語剔義十卷

論語疏十卷

皇侃撰

論語述義二十卷

戴詵撰

論語章句二十卷

劉炫撰

論語疏十五卷

賈公彥撰

論語講疏十卷

褚仲都撰

孔子家語十卷

王肅撰

孔叢子七卷

孔鮒撰

右六十三部孝經二十七家論語三十六家凡

三百八十七卷

易緯九卷

宋均注

書緯三卷

鄭玄注

詩緯三卷

鄭玄注

又十卷

宋均注

禮緯三卷

宋均注

樂緯三卷

宋均注

春秋緯三十八卷

宋均注

論語緯十卷

宋均注

六經緯五卷

宋均注

白虎通六卷

漢章帝撰

五經雜義七卷

劉向撰

五經通義九卷

劉向撰

五經要義五卷

劉向撰

五經異義十卷

許慎撰  
鄭玄駁

六藝論一卷

鄭玄注

鄭志九卷

鄭記六卷

聖證論十一卷

五經然否論五卷

譙周撰

五經鈎深十卷

楊方撰

五經咨疑八卷

楊思撰

孔子正言二十卷

梁武帝撰

長春秋義記一百卷

梁簡文撰

經典大義十卷

沈文阿撰



五經宗畧四十卷

元延明撰

七經義綱畧論三十卷

樊文深撰

質疑五卷

樊文深撰

遊玄桂林二十卷

張譏撰

五經正名十五卷

劉炫注

經典釋文三十卷

陸德明撰

諡法三卷

荀顗演劉熙注

又諡例十卷

沈約撰

諡法三卷

賀琛撰

匡謬正俗八卷

顏師古撰

集天名稱三卷

右三十六部經緯九家七經雜解二十七家凡

四百七十四卷

爾雅三卷

李巡注

爾雅六卷

樊光注

又六卷

孫炎注

又三卷

郭璞注

集注爾雅十卷

沈璇注

爾雅音義一卷

郭璞注

又二卷

曹憲撰

爾雅圖一卷

郭璞注

爾雅圖贊二卷

江灌注

爾雅音六卷

江灌注

續爾雅一百卷

劉伯莊撰

別國方言十三卷

釋名八卷

劉熙撰

廣雅四卷

張揖撰

博雅十卷

曹憲撰

小爾雅一卷

李軌撰

纂文三卷

何承天撰

纂要六卷

顏延之撰

三蒼三卷

李斯等撰  
郭璞解

蒼頡訓詁二卷

杜林撰

三蒼訓詁二卷

張揖撰

埤蒼三卷

張揖撰

廣蒼一卷

樊恭撰

說文解字十五卷

許慎撰

說文音隱四卷

字林十卷

呂忱撰

字統二十卷

楊承慶撰

玉篇三十卷

顧野王撰

字海一百卷

天聖太后撰

文字釋訓三十卷

釋寶誌撰

括字苑十三卷

馮幹撰

字屬篇一卷

賈飭撰

古文奇字二卷

郭訓撰

字旨篇一卷

郭玄撰

古文字詁二卷

張揖撰

詔定古文官書一卷

衛宏撰

解字文七卷

周成撰

雜文字音七卷

王延撰

文字要說一卷

王氏注

字書十卷

古今八體六文書法一卷

四體書勢一卷

衛恒撰

要用字苑一卷

葛洪撰

難要字三卷

文字集畧一卷

阮孝緒撰

辯嫌音二卷

陽休之撰

文字指歸四卷

曹憲撰

證俗音畧二卷

顏慤楚撰

敘同音三卷

覽字知源三卷

文字辯嫌一卷

彭立撰

聲類十卷

李登撰

韻集五卷

呂靜撰

韻畧一卷

陽休之撰

四聲韻畧十三卷

夏侯詠撰

四聲部三十卷

張諒撰

韻篇十二卷

趙氏撰

切韻五卷

陸慈撰

桂苑珠叢一百卷

諸葛穎撰

桂苑珠叢畧要二十卷

急就章一卷

史游撰  
曹壽解

急就章注一卷

顏之推撰

又一卷

顏師古撰

凡將篇一卷

司馬相如撰

飛龍篇篆草勢合三卷

撰崔瑗

在昔篇一卷

撰班固

太甲篇一卷

撰班固

聖草章一卷

撰蔡邕

勸學篇一卷

撰蔡邕

黃初章一卷

吳章一卷

初學篇一卷

朱嗣卿撰

始學篇十二卷

撰項峻

小學集十卷

撰楊方

小學篇一卷

王羲之撰

續通俗文二卷

撰李虔

啓疑三卷

顧凱之撰

詰幼文三卷

顏延之撰

辯字一卷

戴規撰

俗語難字一卷

李少通撰

文字志三卷

王愔撰

五十二體書一卷

蕭子雲撰

古來篆隸詁訓名錄一卷

書品一卷

庾肩吾撰

書後品一卷

李嗣貞撰

筆墨法一卷

鹿紙筆墨疏一卷

千字文一卷

蕭子範撰

又一卷

周興嗣撰

篆書千字文一卷

演千字文五卷

今字石經易篆三卷

今字石經尚書五卷

今字石經鄭玄尚書八卷

三字石經尚書古篆三卷

今字石經毛詩三卷

今字石經儀禮四卷

三字石經左傳古篆書十三卷

今字石經左傳經十卷

今字石經公羊傳九卷

今字石經論語二卷

蔡邕注

雜字書八卷

釋正度作

石小學一百五部爾雅廣雅十八家偏旁音韻

雜字八十六家凡七百九十七卷

乙部史錄十三家八百四十四部一萬七千九百四十

六卷



正史類一

編年類二

偽史類三

雜史類四

起居注類五

故事類六

職官類七

雜傳類八

儀注類九

刑法類十

目錄類十一

譜牒類十二

地理類十三

史記一百三十卷

司馬遷作

又八十卷

裴駰集解

又一百三十卷

許子儒注

史記音義十三卷

徐廣撰

史記音義三卷

鄒誕生撰

又三十卷

劉伯莊撰

漢書一百十五卷

班固作

又一百二十卷

顏師古注

御銓定漢書八十一卷

郝處俊等撰

漢書音訓一卷

服虔撰

漢書集解音義二十四卷

應劭撰

漢書敘傳五卷

項岱撰

漢書音義九卷

孟康撰

漢書集注十四卷

晉灼注

漢書音義七卷

韋昭撰

漢書駁義二卷

劉寶撰

漢書新注一卷

陸澄撰

孔氏漢書音義抄二卷

孔文詳撰

漢書續訓二卷

韋稜撰

漢書訓纂三十卷

姚察撰

漢書音義二十六卷

劉嗣等撰

漢書二卷

夏侯詠撰

又十二卷

包愷撰

又十二卷

蕭該撰

漢書決疑十二卷

顏延年撰

漢書古今集義二十卷

顧肩撰

漢書正義三十卷

釋務靜撰

漢書正名氏義十三卷

漢書辯惑三十卷

李善撰

漢書律歷志音義一卷

陰景倫作

漢書英華八卷

東觀漢記一百二十七卷

劉珍撰

後漢書一百三十三卷

謝承撰

後漢記一百卷

薛瑩作

後漢書八十三卷

彪司馬撰

又五十八卷

劉義慶撰

後漢書三十一卷

華嶠作

又一百二卷

謝沈撰

後漢書外傳十卷

謝沈撰

漢南紀五十八卷

張瑩撰

後漢書一百二卷

袁山松作

又九十二卷

范曄撰

後漢書論贊五卷

范曄撰

後漢書五十八卷

劉昭補注

又一百卷

皇太子賢注

後漢書音三卷

蕭該作

又三卷

臧兢撰

後漢書音義二十七卷

韋機撰

魏書四十四卷

王沈撰

魏畧三十八卷

魚豢撰

魏國志三十卷

陳壽撰裴松之注

晉書八十九卷

王隱撰

又五十八卷

虞預撰

又十四卷

朱鳳撰

又三十五卷

謝靈運撰

晉中興書八十卷

何法盛撰

晉書一百一十卷

臧榮緒撰

又九卷

蕭子雲撰

又一百三十卷

許敬宗等撰

宋書四十二卷

徐爰撰

又四十六卷

孫嚴撰

又一百卷

沈約撰

後魏書一百三十卷

魏收撰

魏書一百七卷

魏澹撰

又一百卷

張大素撰

後周書五十卷

令狐德棻撰

隋書八十五卷

魏徵等撰

又三十二卷

張大素撰

齊書五十九卷

蕭子顯撰

又八卷

劉涉撰

梁書三十四卷

謝昊姚察等撰

又五十卷

姚思廉撰

陳書三卷

顧野王撰

又三卷

傅縡撰

又三十六卷

姚思廉撰

北齊書二十四卷

李德林撰

北齊書五十卷

李百藥撰

又二十卷

張大素撰

通史六百二卷

梁武帝撰

南史八十卷

李延壽撰

北史一百卷

李延壽撰

右八十一部史記六家前漢二十六家後漢十  
六家魏三家晉八家宋三家後魏三家後周一  
家隋二家齊二家梁二家陳三家北齊三家都  
史三家凡四千四百四十三卷

紀年十四卷

汲冢書

漢紀三十卷

荀悅撰

漢紀音義三卷

崔浩撰

漢皇德紀三十卷

侯瑾撰

後漢紀三十卷

張璠撰

又三十卷

袁宏撰

漢晉春秋五十四卷

習鑿齒撰

漢靈獻二帝紀六卷

劉艾撰

漢獻帝春秋十卷

袁曄撰

山陽載紀

樂資撰

魏武本紀三卷

魏武春秋二十卷

孫盛撰

魏紀十二卷

魏澹撰

國紀十卷

梁祚撰

吳紀十卷

環濟撰

晉帝紀四卷

陸機撰

晉錄五卷

晉紀二十二卷

干寶作

又六十卷

干寶撰  
劉協注

晉陽秋二十卷

檀道鸞注

晉紀二十卷

劉謙之撰

又十卷

曹嘉之撰

又四十五卷

徐廣撰

晉陽春秋二十二卷

鄧粲撰



晉史草三十卷

蕭景暢撰

晉紀十一卷

鄧粲撰

戰國春秋二十卷

李燾撰

崇安記二卷

周祗撰

又十卷

王韶之撰

晉續記五卷

郭秀彥撰

三十國春秋三十卷

蕭方撰

又一百卷

武敏之撰

晉春秋畧二十卷

杜延業撰

宋紀三十卷

王智深撰

宋畧二十卷

裴子野撰

宋春秋二十卷

鮑衡卿撰

齊紀二十卷

沈約撰

齊春秋三卷

吳均撰

乘輿龍飛記二卷

鮑衡卿撰

梁典三十卷

劉瑤撰

又三十卷何元之撰

梁太清紀十卷蕭韶撰

皇帝紀七卷

梁撮要三十卷陰僧仁撰

淮海亂離志四卷蕭大圓撰

棲鳳春秋五卷臧嚴撰

梁昭後畧十卷姚最撰

天啓記十卷守節先生撰

梁末代記一卷

後梁春秋十卷蔡允恭撰

北齊記二十卷

北齊志十七卷王劭撰

鄴洛鼎峙記十卷

隋大業畧記三卷趙毅撰

隋後畧十卷張大素撰

蜀國志十五卷陳壽撰

吳國志二十一卷

陳壽撰裴松之注

吳書五十五卷

韋昭撰

華陽國志三卷

常璩撰

蜀李書九卷

常璩撰

漢趙記十卷

和包撰

趙石記二十卷

田融撰

二石記二十卷

田融撰

二石偽事六卷

王度隋翽等撰

燕書二十卷

范亨撰

秦記十一卷

裴景仁撰杜惠明注

涼記十卷

張證撰

西河記二卷

段龜龍撰

南燕錄六卷

王景暄撰

南燕書五卷

張銓撰

拓跋涼錄十卷

燕志十卷

十六國春秋一百二十卷

崔鴻撰

右七十五部編年五十五家雜偽國史二十家

凡一千四百十卷

周書八卷

孔晁注

古文鎖語四卷

春秋前傳十卷

何承天撰

春秋前傳雜語十卷

何承天撰

周載三十卷

孟儀注

春秋國語十卷

孔衍撰

越絕書十六卷

子貢撰

吳越春秋十二卷

趙曄撰

吳越春秋削煩五卷

楊方撰

吳越春秋傳十卷

皇甫遵撰

吳越記六卷

春秋後傳三十卷

樂資撰

戰國策三十二卷

劉向撰

戰國策論一卷

延篤撰

戰國策三十二卷

高誘注

魯後春秋二十卷

劉允濟撰

楚漢春秋二十卷

陸賈撰

漢尚書十卷

孔衍撰

漢春秋十卷

孔衍撰

後漢尚書六卷

孔衍撰

後漢春秋六卷

孔衍撰

後漢尚書十四卷

張溫撰

後魏春秋九卷

孔衍撰

典畧五十卷

魚豢撰

三史要畧三十卷

張溫撰

正史削繁十四卷

阮孝緒撰

東殿新書二百卷

高宗大  
帝撰

史記要傳十卷

衛  
颯撰

古史考二十五卷

譙周  
撰

史記正傳九卷

張瑩  
撰

史要三十八卷

王延  
秀撰

合史二十卷

史漢要集二卷

王茂  
撰

後漢書抄三十卷

葛洪  
撰

後漢書畧二十五卷

張緬  
撰

後漢書續十三卷

范曄  
撰

後漢文武釋論二十卷

王越  
客撰

三國評三卷

徐衆  
撰

晉書鈔三十卷

張緬  
撰

代譜四百八十卷

周武帝  
勅撰

漢書英雄記十卷

王粲  
等撰

九州春秋九卷

司馬彪  
撰

魏陽秋異同八卷

孫壽撰

魏武本紀年歷五卷

漢表十卷

袁希之撰

刪補蜀記七卷

王隱撰

吳錄三十卷

張勃撰

魏記三十三卷

盧彥卿撰

關東風俗傳六十三卷

宋孝王撰

隋書八十卷

王邵撰

王業歷二卷

趙弘禮撰

隋開業平陳記十二卷

裴矩撰

古今注八卷

伏兪忌撰

帝王本紀十卷

來興撰

拾遺錄三卷

王嘉撰

王子拾遺記十卷

蕭綺錄

帝王畧要十二卷

環濟撰

先聖本紀十卷

劉涓子撰

華夷帝王記三十七卷

楊曄撰

後漢雜事十卷

漢魏晉帝要記三卷

賈逵撰

魏晉代語十卷

郭頒撰

吳朝人士品秩狀八卷

胡冲撰

吳士人行狀名品二卷

虞尚撰

江表傳五卷

虞溥撰

晉諸公讚二十二卷

傅暢撰

晉後畧記五卷

荀綽撰

宋拾遺錄十卷

謝綽撰

宋齊語錄十卷

孔思尚撰

帝王畧論五卷

虞世南撰

十世興王論十卷

朱敬則撰



洞歷記九卷

周樹撰

帝系譜二卷

張惇等撰

洞記九卷

韋昭撰

三五歷記二卷

徐整撰

通歷二卷

徐整撰

雜歷五卷

徐整撰

國志歷五卷

孔衍撰

帝王代記十卷

皇甫謐撰

年歷六卷

皇甫謐撰

續帝王代記十卷

何集撰

十五代畧十卷

吉文甫撰

吳歷六卷

胡冲撰

晉歷二卷

帝王代記十六卷

年歷帝紀二十六卷

姚恭撰

帝錄十卷

諸葛忱撰

長曆十四卷

歷代記三十卷

庾和之撰

千年曆二卷

千歲曆三卷

許氏作

十代記十卷

熊襄撰

帝王年曆五卷

陶弘景撰

分王年表八卷

羊瑗撰

歷紀十卷

通曆七卷

李仁實撰

帝王編年錄五十一卷

盧元福撰

共和己未甲乙紀年二卷

盧元福撰

帝王紀錄三卷

右雜史一百二部凡二千五百五十九卷

穆天子傳六卷

郭璞撰

漢獻帝起居注五卷

晉太始起居注二十卷

李軌撰

晉愍帝起居注三十卷

李軌撰

晉太康起居注二十二卷

李軌撰

晉永平起居注八卷

李軌撰

晉建武大興永昌起居注二十二卷

晉咸和起居注十八卷

李軌撰

晉咸康起居注二十二卷

李軌撰

晉建元起居注四卷

晉永和起居注二十四卷

晉永平起居注十卷

晉隆和興寧起居注五卷

晉太和起居注六卷

晉咸安起居注三卷

晉寧康起居注六卷

晉太元起居注五十二卷

晉崇寧起居注十卷

晉元興起居注九卷

晉義熙起居注三十四卷

晉元熙起居注二卷

晉起居注三百二十卷

劉道會撰

宋永初起居注六卷

宋景平起居注三卷

宋元嘉起居注六十卷

宋太明起居注八卷

梁皇帝實錄三卷

周興嗣撰

又五卷

梁太清實錄八卷

後魏起居注二百七十六卷

陳起居注四十一卷

大唐創業起居注三卷

溫大雅撰

高祖實錄二十卷

房玄齡撰

太宗實錄二十卷

房玄齡撰

太宗實錄四十卷

長孫無忌撰

高宗實錄三十卷

許敬宗撰

述聖記一卷

大聖天后撰

高宗實錄一百卷

大聖天  
后撰

聖母神皇實錄十八卷

宗泰  
客撰

中宗皇帝實錄二十卷

吳兢  
撰

漢武故事二卷

西京雜記一卷

葛洪  
撰

三輔舊事一卷

韋氏  
撰

秦漢已來舊事八卷

漢魏吳蜀舊事八卷

晉書雜詔書一百卷

又二十八卷

晉雜詔書六十六卷

晉詔書黃素制五卷

晉定品制一卷

晉太元副詔二十一卷

晉崇安元興大享副詔八卷

晉義熙詔二十二卷

晉故事四十三卷

晉諸雜故事二十二卷

尚書大義二十一卷

晉太始太康故事五卷

晉建武咸和咸康故事四卷

孔愉撰

晉建武已來故事三卷

修復山林故事五卷

車灌撰

先朝故事二十卷

劉道會撰

東宮舊事十一卷

張敞撰

交州雜故事九卷

四王起事四卷

盧綝撰

晉八王故事十二卷

盧綝撰

晉故事三卷

晉朝雜事二卷

江南故事三卷

大司馬陶公故事三卷

郗太尉為尚書令故事二卷

桓公偽事二卷

應德詹撰

救襄陽上都督府事一卷

王愆期撰

荆江揚州遷代記四卷

宋永初詔六卷

宋元嘉詔二十一卷

晉宋舊事一百三十卷



中興伐逆事二卷

東宮儀記二十二卷

張鏡撰

東宮典記七十卷

宇文愷等撰

春坊要錄四卷

杜正倫撰

春坊舊事三卷

漢官儀十卷

應劭志

公卿故事二卷

王方慶撰

漢官解故三卷

魏官儀一卷

荀攸撰

晉公卿禮秩九卷

傅暢撰

百官名四十卷

晉惠帝百官名三卷

陸機撰

晉官屬名四卷

晉過江人士目一卷

晉永嘉流士十三卷

衛禹撰

登城三戰簿三卷

百官階次一卷

范曄撰

宋百官階次三卷

荀欽明撰

百官春秋十三卷

王道秀撰

齊職儀五十卷

范曄撰

職官要錄三十卷

陶藻撰

梁遷簿三卷

徐勉撰

陳將軍簿一卷

職令百官古今注十卷

郭演之撰

大建十一年百官簿狀二卷

職員舊事三十卷

右一百四部列代起居注四十一家列代故事

四十二家列代職官二十一家凡二千二百三

十三卷

三輔決錄七卷

趙岐撰  
犖虞注

海內先賢傳四卷

魏明  
帝撰

海內先賢行狀三卷

李氏  
撰

海內士品錄二卷

魏文  
帝撰

四海耆舊傳一卷

李氏  
撰

廬江七賢傳一卷

陳留耆舊傳三卷

蘇林  
撰

陳留先賢像讚一卷

陳英  
宗撰

陳留志十五卷

江徵  
撰

汝南先賢傳三卷

周斐  
撰

廣州先賢傳七卷

陸胤  
撰

諸國先賢傳一卷

豫章舊志八卷

徐整撰

濟北先賢傳一卷

廣陵列士傳一卷

華隔撰

桂陽先賢畫讚五卷

張勝撰

會稽記四卷

朱育撰

會稽典錄二十四卷

虞預撰

會稽先賢傳五卷

謝承撰

會稽後賢傳三卷

鍾離山撰

會稽先賢像讚四卷

賀氏撰

會稽太守像讚二卷

賀氏撰

吳國先賢讚三卷

益部耆舊傳十四卷

陳壽撰

魯國先賢志十四卷

白褒撰

楚國先賢志十二卷

楊方撰

荊州先賢傳三卷

高範撰

兗州山陽先賢讚一卷

仲長統撰

交州先賢傳四卷

范瑗撰

襄陽耆舊傳五卷

習鑿齒撰

零陵先賢傳一卷

徐州先賢傳一卷

長沙舊邦傳讚三卷

劉成撰

徐州先賢傳九卷

燉煌實錄二十卷

劉延明撰

武昌先賢傳三卷

郭延生撰

海岱志十卷

崔蔚祖撰

吳郡錢塘先賢傳五卷

吳均撰

幽州古今人物志十三卷

陽休之撰

孝子傳十五卷

蕭廣濟撰

又八卷

師覺授撰

孝子傳讚十五卷

王韶之撰

孝子傳十卷

宗躬撰

雜孝子傳二卷

孝子傳一卷

虞盤佐撰

又三卷

徐庶撰

孝子傳讚十卷

鄭緝之撰

孝德傳三十卷

梁元帝撰

孝友傳八卷

梁元帝撰

忠臣傳三十卷

梁元帝撰

顯忠錄二十卷

元懌撰

忠孝圖傳讚二十卷

李襲譽撰

英藩可錄事二卷

殷系撰

自古諸侯王善惡錄二卷

魏徵撰

列藩正論三十卷

章懷太子撰

良吏傳十卷

鍾岷撰

丹陽尹傳十卷

梁元帝撰

高士傳三卷

嵇康撰

上古以來聖賢高士傳讚三卷

周續之撰

高士傳七卷

皇甫謐撰

續高士傳八卷

周弘讓撰

逸人傳三卷

張顯撰

逸人高士傳八卷

習鑿齒撰

名士傳三卷

袁宏撰

竹林七賢論二卷

戴逵撰

真隱傳二卷

袁淑撰

高士傳二卷

虞盤佐撰

高隱傳二卷

阮孝緒撰

七賢傳七卷

孟仲暉撰

高才不遇傳四卷

劉晝撰

列女傳二卷

劉向撰

陰德傳二卷

范晏撰

止足傳十卷

王良撰

同姓名錄一卷

梁元帝撰

全德志一卷

梁元帝撰

高僧傳六卷

虞孝敬撰

悼善列傳四卷

幼童傳十卷

劉昭撰

知己傳一卷

盧思道撰

交遊傳二卷

鄭世翼撰

秘錄二百七十卷

元暉等撰

畫讚五十卷

漢明帝撰

春秋列國名臣傳九卷

孫敏撰

四科傳讚四卷

姚澹撰

七國敘讚十卷

益州文翁學堂圖一卷



孔子弟子傳五卷

先儒傳五卷

雜傳六十五卷

又九卷

又四十卷

集記一百卷

王孝恭撰

東方朔傳八卷

李固別傳七卷

梁冀傳二卷

何顯傳一卷

曹瞞傳一卷

吳人作

母丘儉記三卷

管輅傳二卷

管辰撰

諸葛亮隱沒五事一卷

郭冲撰

玄晏春秋二卷

皇甫謐撰

薛常侍傳二卷

荀伯子撰

桓玄傳二卷

文林館記十卷

鄭忱撰

文士傳五十卷

張隲撰

文館詞林文人傳一百卷

許敬宗撰

列仙傳讚二卷

劉向撰

神仙傳十卷

葛洪撰

洞仙傳十卷

見素子撰

高士老君內傳三卷

尹喜張林亭撰

孝子傳一卷

關令尹喜傳一卷

鬼谷先生撰四皓注

王喬傳一卷

茅君內傳一卷

漢武帝傳二卷

清虛真人王君內傳一卷

蘇君記一卷

周季通撰

靈人辛亥子自序一卷

辛亥子撰

三天法師張君內傳一卷

王萇撰

太極左仙公葛君內傳一卷

呂先生注

紫陽真人周君傳一卷

華嶠撰

仙人馬君陰君內傳一卷

趙昇撰

清虛真君內傳一卷

鄭子雲撰

紫虛元君南岳夫人內傳一卷

范邈撰

九華真妃內記一卷

許先生傳一卷

王羲之撰

養性傳二卷

周氏冥通記一卷

陶弘景撰

學道傳二十卷

馬樞撰

嵩高少室寇天師傳三卷

宋都龐能撰

華陽子自序一卷

茅處玄撰

漢別國洞冥記四卷

郭憲撰

名僧傳三十卷

釋寶唱撰

比丘尼傳四卷

釋寶唱撰

高僧傳十四卷

釋惠皎撰

續高僧傳二十卷

釋道宣撰

續高僧傳三十卷

釋道宣撰

西域永法高僧傳二卷

釋義淨撰

名僧錄十五卷

裴子野撰

薩婆多部傳四卷

釋僧佑傳

草堂法師傳一卷

陶弘景撰

又一卷

蕭理撰

稠禪師傳一卷

列異傳三卷

張華撰

甄異傳三卷

戴異撰

徵應集二卷

雜傳十卷

搜神記三十卷

干寶撰

志怪四卷

祖台之撰

又四卷

孔氏撰

靈鬼志三卷

荀氏撰

鬼神列傳二卷

謝氏撰

幽明錄三十卷

劉義慶撰

齊諧記七卷

東陽無  
疑撰

續齊諧記一卷

吳均  
撰

石異傳三卷

袁仁  
壽撰

述異記十卷

祖冲  
之撰

感應傳八卷

王廷  
秀撰

冥祥記十卷

王琰  
撰

續冥祥記十一卷

王曼  
撰

繫應驗記一卷

陸果  
撰

神錄五卷

劉之  
道撰

妍神記十卷

梁元  
帝撰

因果記十卷

劉泳  
撰

近異錄二卷

劉質  
撰

冤魂志三卷

顏之  
推撰

集靈記十卷

顏之  
推撰

旌異記十五卷

侯君  
集撰

冥報記二卷

唐臨  
撰

列女傳六卷

皇甫謐撰

列女後傳十卷

顏原撰

列女傳七卷

綦母邃撰

女記十卷

杜預撰

列女傳序讚一卷

孫夫撰

后妃記四卷

虞道之撰

列女傳一百卷

大聖天后撰

古今內範記一百卷

內範要畧十卷

保傅乳母傳一卷

大聖天后撰

右雜傳一百九十四部  
襄先賢耆舊三十九家

孝友十家  
忠節三家  
列藩三家  
良史二家  
高逸

十八家  
雜傳五家  
科錄一家  
雜傳十一家  
文士

三家仙靈二十六家高僧十家鬼神二十六家

列女十六家凡一千九百七十八卷

漢舊儀四卷

衛宏撰

輿服志一卷

董巴撰

晉尚書儀曹新定儀注四十一卷

徐廣撰

甲辰儀注五卷

車服雜注一卷

徐廣撰

司徒儀注五卷

干寶撰

大駕鹵簿一卷

冠婚儀四卷

晉雜儀注二十一卷

晉儀注三十九卷

諸王國雜儀十卷



宋儀注三十六卷

雜儀注一百八卷

雜府州郡儀十卷

范注撰

晉尚書儀曹吉禮儀注三卷

古今輿服雜事十卷

周遷撰

梁祭地祇陰陽儀注二卷

沈約撰

宋儀注二卷

梁吉禮十八卷

明山賓等撰

梁吉禮儀注十卷

北齊吉禮七十二卷

趙彥深撰

陳吉禮儀注五十卷

雜撰

梁皇帝崩凶儀十一卷

嚴植之撰

隋吉禮五十四卷

高頴等撰

梁凶禮天子喪禮七卷

嚴植之撰

梁凶禮天子喪禮七卷

梁王侯已下凶禮九卷

嚴植之撰

梁太子妃薨凶儀注九卷

北齊王太子喪禮十卷

趙彥深撰

梁諸侯世子凶儀注九卷

梁賓禮一卷

賀錫等撰

隋書禮七卷

高頴等撰

梁嘉禮三十五卷

司馬聚撰

陳賓禮儀注六卷

張彥志

梁軍禮四卷

陸璉撰

梁嘉禮儀注二十一卷

司馬聚撰

梁尚書儀注十八卷

雜撰

梁儀注十卷

沈約撰

梁陳大行皇帝崩儀注八卷

陳尚書曹儀注二十卷

雜志

陳諸帝后崩儀注五卷

陳雜吉儀志三十卷

梁大行皇后崩儀注一卷

陳皇太子妃薨儀注五卷

儀曹志

陳雜儀注凶儀十三卷

陳皇太后崩儀注四卷

儀曹撰

陳雜儀注六卷

後魏儀注三十二卷

常景撰

理禮儀注九卷

何點撰

晉謚議八卷

魏明帝謚議二卷

何晏撰

魏氏郊丘三卷

晉簡文謚議四卷

晉明堂郊社議三卷

孔朝等撰

魏臺雜訪儀三卷

高宗撰

雜議五卷

干寶撰

晉七廟議三卷

蔡謨撰

要典三十九卷

王景之撰

晉雜議十卷

荀顗等撰

皇典五卷

丘孝仲撰

齊典四卷

王逸志

吊答書儀十卷

王儉撰

太宗文皇帝政典三卷

李延壽撰

雜儀三十卷

鮑泉撰

書筆儀二十卷

謝朓撰

婦人書儀八卷

唐瑾撰

皇室書儀十三卷

鮑行卿撰

大唐書儀十卷

裴矩撰

童悟十三卷

封禪錄十卷

孟利貞撰

皇帝封禪儀六卷

令狐德棻撰

玉璽譜一卷

僧約貞撰

神岳封禪儀注十卷

裴守貞撰

玉璽正錄一卷

徐今信撰

傳國璽十卷

姚察撰

大享明堂儀注二卷

郭山惲撰

明堂義一卷

張大瓚撰

明堂儀注七卷

姚璠等撰

親享太廟儀三卷

郭山惲撰

皇太子方岳亞獻儀二卷

右儀注八十四部凡一千一百四十六卷

漢建武律令故事三卷

律畧論五卷

劉邵撰

漢朝駁義三十卷

應劭撰

漢名臣奏三十卷

陳壽撰

又二十九卷

廷尉決事二十卷

廷尉駁事十一卷

廷尉雜詔書二十六卷

晉令四十卷

賈充等撰

刑法律本二十一卷

賈充等撰

南臺奏事二十二卷

晉駁事四卷

晉彈事九卷

齊永明律八卷

宗躬撰

梁律二十卷

蔡法度撰

梁令三十卷

蔡法度撰

梁科二卷

蔡法度撰

陳令三十卷

范泉等撰

陳科三十卷

范泉志

北齊律二十卷

趙郡王徽撰

北齊令八卷

周大律二十五卷

趙肅等撰

隋律十二卷

高潁等撰

隋大業律十八卷

隋開皇令三十卷

裴正等撰

法例二卷

崔知悌等撰

令律十二卷

裴寂撰

律疏三十卷

長孫无忌撰

武德令三十一卷

裴寂等撰

貞觀格十八卷

房玄齡撰

永徽散行天下格中本七卷

永徽留本司行中本十七卷

源直心等撰

永徽令三十卷

永徽留本司格後本十一卷

劉仁軌撰

永徽成式十四卷

永徽散頒天下格七卷

永徽留本司行格十八卷

長孫无忌撰

永徽中式本四卷

垂拱式二十卷

垂拱格二卷

垂拱留司格六卷

裴居道撰



律解二十一卷

張斐撰

開元前格十卷

姚崇等撰

開元後格九卷

宋璟等撰

令三十卷

式二十卷

姚崇等撰

右刑法五十一部凡八百一十四卷

七畧別錄二十卷

劉向撰

七畧七卷

劉歆撰

今書七志七十卷

王儉撰  
賀縱補

七錄十二卷

阮孝緒撰

中書簿十四卷

荀勗撰

元徽元年書目四卷

王儉撰

梁天監四年書目四卷

丘賓卿撰

陳天嘉四部書目四卷

隋開皇四年書目四卷

牛弘撰

隋開皇二十年書目四卷

王邵撰

史目三卷

楊松珍撰

文章志四卷

摯虞撰

新撰文章家集五卷

荀勗撰

續文章志二卷

傅亮撰

義熙己未雜集目錄三卷

丘深之撰

名手畫錄一卷

法書目錄六卷

虞和撰

羣書四錄二百卷

元行冲撰

右雜四部書目十八部凡二百一十七卷

世本四卷

宋衷撰

世本別錄一卷

帝譜世本七卷

宋均撰

世本譜二卷

漢氏帝王譜二卷

司馬氏世家二卷

百家集譜十卷

王儉撰

百家譜三十卷

王僧孺撰

氏族要狀十五卷

賈希景撰

永元中表簿六卷

姓氏英賢譜一百卷

賈執撰

百家譜五卷

賈執撰

國親皇太子親傳四卷

賈冠撰

大同四年中表簿三卷

齊梁宗簿三卷

後魏辯宗錄二卷

元暉業撰

姓苑十卷

何承天撰

後魏譜二卷

後魏方司格一卷

十八州譜七百一十二卷

王僧孺撰

冀州譜七卷

洪州譜九卷

袁州譜七卷

大唐氏族志一百卷

高士廉撰

姓氏譜二百卷

許敬宗撰

著姓畧記十卷

路敬淳撰

衣冠譜六十卷

路敬淳撰

大唐姓族系錄二百卷

柳沖撰

褚氏家傳一卷

褚結撰  
褚陶注

殷氏家傳三卷

殷敬  
等撰

桂氏世傳七卷

桂顏  
撰

邵氏家傳十卷

楊氏譜一卷

蘇氏譜一卷

韋氏家傳三卷

皇甫  
謐撰

王氏家傳二十一卷

江氏家傳七卷

江統  
撰

暨氏家傳一卷

虞氏家傳五卷

虞覽  
撰

裴氏家記三卷

裴松  
之撰

孫氏譜記十五卷

諸葛傳五卷

曹氏家傳一卷

曹毗  
撰

荀氏家傳十卷

荀伯  
子撰

諸王傳一卷

陸史十五卷

陸煦撰

明氏世錄五卷

明粲撰

庾氏家傳三卷

庾守業撰

韋氏譜十卷

韋鼎等撰

爾朱氏家傳二卷

王劭撰

何妥家傳二卷

令狐家傳一卷

令狐德棻撰

裴若弼家傳一卷

裴氏家牒二十卷

裴守貞撰

燉煌張氏家傳二十卷

張大素撰

右雜譜牒五十五部凡一千六百九十一卷

山海經十八卷

郭璞撰

山海經圖讚二卷

郭璞撰

山海經音二卷

水經二卷郭璞撰

又四十卷酈道元注

三輔黃圖一卷

漢宮閣簿三卷

洛陽宮殿簿三卷

關中記一卷潘岳撰

洛陽記一卷陸機撰

西京雜記一卷葛洪撰

洛陽圖一卷楊佺期撰

洛陽記一卷戴延之撰

廟記一卷

洛陽伽藍記五卷楊銜之撰

西京記三卷薛暉志

東都記三十卷鄧行儼撰

分吳會丹陽三郡記三卷

陳留風俗傳三卷

闕稱撰

風土記十卷

周處撰

吳地記一卷

張勃撰

南雍州記三卷

郭仲彥撰

南徐州記二卷

山謙之撰

東陽記一卷

鄭緝之撰

京口記二卷

劉損之撰

湘州圖記一卷

徐地錄一卷

劉芳撰

齊州記四卷

李叔布撰

中岳潁川志五卷

樊文深撰

潤州圖經二十卷

孫處玄撰

地記五卷

太康三年撰

州郡縣名五卷

太康三年撰

十三州志十四卷

闕駟撰

魏諸州記二十卷



地理書一百五十卷

陸澄撰

地記二百五十二卷

任昉撰

雜志記十二卷

雜地記五卷

國郡城記九卷

周明帝撰

輿地志三十卷

顧野王撰

周地圖九十卷

隋圖經集記一百卷

郎蔚之撰

區宇圖一百二十八卷

虞茂撰

括地志序畧五卷

魏王泰撰

交州異物志一卷

楊孚撰

暢異物志一卷

陳祈撰

南州異物志一卷

萬震撰

扶南異物志一卷

朱應撰

臨海水土異物志一卷

沈瑩撰

江記五卷

庾仲雍撰

漢水記五卷

庾仲雍撰

尋江源記五卷

庾仲雍撰

又一卷

四海百川水記一卷

釋道安撰

西征記一卷

戴祚撰

述征記二卷

郭象撰

隋王八汭記十卷

沈懷文撰

輿駕東幸記一卷

薛泰撰

述行記二卷

姚最撰

魏聘使行記五卷

巡總揚州記七卷

諸葛穎撰

諸郡土俗物產記十九卷

京兆郡方物志三十卷

十洲記一卷

東方朔撰

神異經二卷

東方朔撰

蜀王本記一卷

揚雄撰

三巴記一卷

譙周撰

外國傳一卷

釋智猛撰

歷國傳二卷

釋法盛撰

南越志五卷

沈懷遠撰

日南傳一卷

職貢圖一卷

梁元帝撰

林邑國記一卷

真臘國事一卷

魏國已西十一國事一卷

宋雲撰

交州已來外國傳一卷

奉使高麗記一卷

西域道里記三卷

赤土國記二卷

常駿等撰

高麗風俗一卷

裴矩撰

中天竺國行記十卷

王玄策撰

西南蠻入朝首領記一卷 職方記十六卷

長安四年十道圖十三卷 開元三年十道圖十卷

劔南地圖二卷

右地理九十三部凡一千七百八十二卷

舊唐書卷四十六

舊唐書卷四十六考證

經籍志上九曰圖緯以紀六經讖候十曰經解以紀六

經讖候十一曰訓詁以紀六經讖候○臣德潛按圖

緯乃紀讖候之書經解訓詁不得亦云讖候也應謫

甲部經錄十二家○新書十一家

五百七十五部六千二百四十一卷○臣德潛按止五

百七十一部六千二百二卷

周易正義十四卷○新書十六卷

右易七十八部凡六百七十三卷○今按上止七十七部六百七十一卷

右尚書二十九部凡二百七十二卷○今按上凡二百九十五卷

韓詩翼要十卷卜商撰○臣德潛按韓嬰漢人安得卜商為撰翼要乎新書無韓詩字為合

毛詩駁五卷王伯興撰○新書王基撰

右詩三十部凡三百十三卷○今按上三百十卷

喪服要難一卷趙成問仇祈答○新書作袁祁

右禮一百四部凡一千九百四十五卷○今按上止一百三部凡二千二十二卷

春秋左氏傳音又三卷李洪範撰○新書李軌撰

春秋正義三十七卷孔穎達撰○新書三十六卷

右春秋一百二部一千一百八十四卷○今按上一百四部一千一百七十六卷

次論語五卷王勃撰○新書十卷

論語釋義十卷鄭玄注○新書一卷

右六十三部凡三百八十七卷○今按上凡三百九十  
七卷

經典大義十卷沈文阿撰○新書作經典元儒大義序  
錄

右三十六部凡四百七十四卷○今按上止三十五部  
四百六十八卷

續爾雅一百卷○新書一卷此百字疑衍文



右小學一百五部凡七百九十七卷○今按上一百二部八百卷

乙部史錄十三家八百四十四部一萬七千九百四十六卷○今按止七百七十三部一萬五千七百五十一卷

漢書決疑十二卷顏延年撰○新書作韓遊秦魏畧三十八卷魚豢撰○後又見雜史類中

右八十一部凡四千四百四十三卷○今按上止四千

四百四十卷

山陽載紀樂資撰○無卷數新書作十卷

魏紀十二卷魏澹撰○沈炳震曰當從新書作陰澹

蜀國志十五卷吳國志二十一卷陳壽撰吳書五十五

卷韋昭撰○新書俱入正史類

右七十五部凡一千四百一十卷○今按上止七十三  
部一千三百四十三卷

後漢尚書十四卷張溫撰○新書孔衍撰

續帝王代紀十卷何集撰○新書何茂林撰

右雜史一百二部凡二千五百五十九卷○今按上止九十部二千三十一卷

晉崇寧起居注十卷○沈炳震曰晉無崇寧年號兩書俱作崇寧未詳

百官名四十卷○新書十四卷

齊職儀五十卷范曄撰○臣德潛按范曄受誅于宋元

嘉二十二年不應著述齊職儀也新書作王珪之合

右一百四部凡二千二百三十三卷○今按上止一百二部凡二千二百四十五卷

燉煌實錄二十卷劉延明撰○新書作劉昫

幽州古今人物志十三卷○新書三十卷

右雜傳一百九十四部凡一千九百七十八卷○今按上止一百七十九部一千三十卷

梁嘉禮儀注二十一卷司馬聚撰○新書四十卷

右儀注八十四部凡一千一百四十六卷○今按上止

八十部一千五十二卷

右刑法五十一部凡八百一十四卷○今按上止四十  
六部八百三卷

右雜四部書目十八部凡二百一十七卷○今按上凡  
三百六十七卷

氏族要狀十五卷賈希景撰○新書賈希鏡

右雜譜牒五十五卷凡一千六百九十一卷○今按上  
凡一千六百九十五卷

周地圖九十卷○新書一百三十卷

右地理九十三部凡一千七百八十二卷○今按上止  
八十六部一千一百五十七卷

舊唐書卷四十六考證

謹案第四十頁前八行四王起事四卷刊本起事  
訛起居據隋書改

第四十一頁前四行漢官解故三卷刊本故下衍  
事字據隋書刪

第四十二頁前三行三輔決錄七卷趙岐撰刊本  
歧訛政據隋書改

第四十三頁後三行孝子傳三卷徐庶撰按新書  
作徐廣與此異

第四十四頁前八行高才不遇傳四卷劉晝撰刊  
本晝訛晝據隋書改

第四十九頁前六行梁吉禮十八卷明山賓等撰  
刊本脫賓字據隋書增

第五十二頁前三行北齊律二十卷趙郡王叡撰  
刊本郡訛邵叡訛獻據新書改







總校官庶吉士臣侍朝

校對官中書臣馮培

膳錄舉人臣杜安詩